





石倉十二代詩選 明三集卷之三十四

青湖集

大明

山陰汪應軫著  
後學曹學佺閱

鷓鴣隱

鳴鳩拂其羽四海皆陽春秋風起鷓鴣蓬棘深  
藏身時哉有顯晦微鳥靈於人孰謂鳩性拙而  
同鳳與麟臺

周氏小姑索題扇為書之

玉壺酒未傾花前人已醉紈扇索題詩清風動



歷代詩選 目錄  
芳袂洞房春遲遲紅粧滿珠綴良人入朱門鷄  
鳴起中饋

過鈞臺

山色青於黛江光綠似苔白雲護雙石千載子  
陵臺我昔拂衣歸岩花對我開扁舟重過此豈  
爲利名來

送舒國裳修撰調福建市舶提舉

庖祝有分守而欲侵其廚我冠何如人攜我相  
與俱微哉烹醢身誰爲蠲濯壺芳臭自云薦公

尸色未愉攝衣入廟門匍匐投遐區同愆不同  
謫無乃矜庸愚相期磨圭璋臨別重踟躕

蘭谷遐思

秋風起鷓鴣搖落悲江干蔓草不自植芬芳在  
幽蘭楚畹思無極山陰興已殘青春久狼籍白  
日生虛寒餘馨一何長鬱鬱呈琅玕愴然念世  
德見之良亦難

雋不疑

賢哉雋不疑善治春秋書高冠謁暴勝躡屨下



庭除不解櫺具劍用斬黃犢車大將軍不學獨  
喜經術儒

題草廬圖

王佐有遺才管樂豈其匹長嘯草廬中乾坤在  
几席三顧起臥龍一言分漢賊八陣變風雲二  
表振金石南人服天威僞師甘巾幘誰輸益州  
盟能杜孫吳隙桓桓仗越師連營里七百魚水  
落何方憮然思考直炎祚不可支英雄亦少食  
萬里流星明五丈屯雲黑斗膽是何人欲竭中

原力明公義所動存滅同身國黃金臺下日

楊青驛

幾千棊石殿亦無名黃龍土

楊青驛上楊葉黃春風未歸秋露涼江鴻飛盡  
雲千里山燕不見吳天長孤篷夜泊滄洲月風  
急蘆花滾晴雪渡頭漁火照寒楓忽訝愁猿斷  
腸血

白雲歌過鄱陽湖賦

春風冉冉湖水碧一片白雲隨我舟白雲舒卷  
有時散碧水悠悠長自流南州高士今何在南



浦青山還未改試將我意問青山青山無語自  
雲間

題百雀圖

百雀不如鳳胡爲占琅玕朋雛碎語不可聽六  
月攪動清風寒我欲挾金彈巧避千萬端徘徊  
恐落一枝翠矯首待鳳棲闌干

送岷縣裘貢士

朔雲動霜華遊子暮何適我歌君馬黃獨上長  
安陌千金買駿骨誰是昭王客黃金臺下日欲

西七十二城燕復齊明朝試逐知己去何須抱  
璞荆山啼

題夏公謹桂洲卷

蒲萄入甕玻璃碧老蟾忽墮秋香魄東堂馥郁  
散幾枝玉笋紛敷延四客雲月孤高此地幽東  
山不說琵琶洲杜蘅蘭茝正芳色草堂誰使玄  
猿愁薊溪沙白迷鸚鵡水簾長作珊瑚舞鳥鳴  
山霽風洞開樹影團團日初午五百峰低卽小  
山淮南招隱何時還



心遠亭

爲崔來鳳姻家曹廷器賦

主人結亭林塘幽眼中六合浮虛舟已無清夢  
到黃屋別有遐想凌丹丘青天影落杉松外溪  
流濯足風颼颼海門望極秋無際煙光日色飛  
沙鷗古來鍾南號捷徑唐人館閣稱瀛洲山林  
朝市元無異吾心閒適爲行休

唐人醉馬圖

奔紅流金號十驥唐家良馬來骨利骨利波斯  
青海驄龍媒駿骨光天駟張王領牧稱得人五

花雄錦誇雄視肉鬃鱗臆嘶不允渥洼神馬天  
呈瑞孽胡乘馬黃金厄華清咫尺還再易此時  
也有不良謀何待漁陽心不赤天子蒙塵入蜀  
中七十二州皆落魄檀溪事急呼的盧不見開  
元照夜白今觀圖書猶可傷分明長安俠少郎  
聯鑣並轡花樹下錦韉金絡爭趨蹌相携酪酊  
忘歸路衣冠失落風流場卷阿有馬不待士穆  
王八駿空超光

湯家埠沮風歌東富陽方尹舟求夫



去時東風送我舟回時東風滯江頭風雲萬古  
那有意人心來往徒煩憂憶昔彭城睢水蒲漢  
軍顛踏水亦斷揚砂發石陣雲昏英雄長策時  
皆短只今四海桑麻閒夷狄賓服長開關江湖  
一棹逐鷗鳥隨湍直下嚴陵灘北風胡爲向我  
作潮聲帶雨晚來惡有客翻嫌不早回捲篷深  
傍楊花泊

題畫雉

風塵稀過中牟田綠煙草色春年年野雉喙喙

出林麓江湖汗漫華青天文明之腴不可食掩  
耳且盥巢由泉漢家妬婦污其名商山引出秦  
時賢莫怪留侯慘顏色赤松一夕尋羣仙何人  
染翰落湘素酒中意氣雲翩翩

題屈原問津圖

紛紛馬首皆欲東江籬綠映芙蓉紅四時不斷  
楚天雨萬里長吹巫峽風行吟澤畔色枯稿青  
天白日憐孤忠行藏何必問詹尹鶴長鳧短雲  
千重秦人變詐不可測懷王憤氣橫秋空誰言



三戶終翹楚隆準真人天下同子胥宰嚭適吳  
國一蛇爲祟一爲龍紫陽千載托知己離騷讀  
罷吾周從

夏亭喜雨

白豕涉銀河黃堂淑政多雨隨車轄去民沸稻  
梁歌身禱今安在巫焚竟若何新亭重志喜椽  
筆問東坡

送劉仲賓之山東平度州

齊魯絃歌舊龔黃試政初勞心須撫字惜別免

躊躇海戍秋蕪合山城夜柝虛黃堂隨白叟竹  
馬候安車

蓉溪書屋

芳塵誰解避蜀地有芙蓉結屋雲霞合縈溪錦  
繡重銅梁留暝色劔閣倚秋容仙掌空分露何  
如一履踪

送馬太常子莘復任留都

萍水還相會風塵能幾人壯懷吞海渤爽氣逼  
秋旻仕路青山舊離尊白髮新南雲遙指處明



月潞河濱

送汪天啓司諫奉使荆府

南國皇華路西風滿繡鞍  
洞庭秋水合湘浦鴈聲寒  
世弊情偏重同宗別更難  
江薩與岍芷應對此心丹

書靈濟宮壁

三山隔人世此地是何鄉  
草色春連屋槐陰午過墻  
逍遙白羽扇潦倒紫霞觴  
繡紱時同憇塵機忽坐忘

卦嶺靈隱寺

醉後煎春茗泉聲落晚霞  
山眠雲毋石水起木蘭花  
鶴夢松陰暝僧歸竹徑斜  
行行向天竺僻處是生涯  
青山白龍洞期方思道不來  
白雲去也久洞口水潺潺  
我亦偶然到君歸何處  
閒書屋連深樹樵歌落  
半山此中如不樂猶爾  
在塵寰



翠碧幽棲地，煙雲淨綺霄。近山多霽色，遠月送  
寒標。野水逢三徑，春深過五橋。何時得乘興，子  
夜聽吹簫。賦罷樹然燭，茗半山北中。吹不盡  
白雪奉答西淙洪郡伯山遊次韻然燭茗山北中  
青山自幽寂，何意使君看。雨過溪聲急，春遲谷  
口寒。不緣茅屋小，那識野航寬。欲獻藜羹飯，無  
忘食大官。林劍朝餘韻，於野餘亦亦亦亦亦亦  
端陽陪馬子莘觀射泛麗公池五水賦水  
佳節尋常有，閩中客始來。天光墮湖水，山勢斷

城隈。矢避斜陽發，舟迎新月開。漁歌與簫管，同  
起鳳凰臺。

送同年倫彥式內翰畢姻里早賦空賦賦  
鰲頭星斗照，斯文青桂嫦娥獨。許君鸞鳳簫吹  
涼夜月芙蓉帳，暖壓春雲歸來畫錦黃金印。迎  
取荆釵白練裙，莫戀洞房新燕爾。塗山四日爲  
誰勤。

寄同年徐希道因高士婦早賦春色  
西風黃葉雨瀟瀟，一札鴻鱗去路遙。洹水登壇



遲擁篲秦樓拂袂對吹簫萬松嶺上當空月兩  
浙江頭半夜潮懸榻已因高士設早題春色過  
仙橋

送胡仕寧先生

客情芳草雨萋萋欲賦新詩未入題水過急流  
舟自穩春將深綠鳥頻啼黃金臺下瞻天近白  
鷺洲邊抱月低南北相看雲萬里早潮空過廣  
陵四

送徐伯瞻掌科引疾次韻

春來何日送君歸君去空期汝弼違出處暫分  
天馬仗升沉都付海鷗機官無子母錢垂索病  
有雌雄劔欲飛白日長安公道在忍將封事枕  
牛衣

送錢睿中長教均州

蕭蕭冠佩入湖襄綠浦汀洲引意長鼓棹有時  
歌赤壁濯纓何處覓滄浪青氈露浥芙蓉薄綵  
服風含杜若香愧我雲山春萬里不堪回首在  
他鄉



項羽城

拔山力盡霸功休立馬烏江耻渡舟斗碎不知  
謀主憤劍歌空對美人愁楚遺三戶能亡國魯  
守孤城不事讐戰骨已枯惟故壘野煙寒雨荻  
花秋

太韜光寺

白虹峭壁掛秋泉一枕松風石上眠金刹移來  
天竺寺玉淵時發華山蓮雲深日月間中地樹  
隱江湖靜裏天再上高峰望遠海潮生潮落翠

屏前

重登北高峰

自喜煙霞不爽期新涼又是去年時鶴知何處  
松陰靜花也重開塔影移野衲從無留別偈古  
堂猶有舊題詩相逢莫問東山屐縱爲蒼生起  
未遲

發富陽驛來青樓次壁間韻

欲采芙蓉入畫工青山深處白雲通剡溪有約  
尋安道金谷無心老石崇驛路送人千里月鈞



歷代詩選 田汝三 卷一  
臺遲我一帆風紅塵滿目斜陽外何事當年學  
海翁

次吳維新韻書孫秀才扇

西風籬落正黃花宦海于今識有涯雲引故山  
還入坐水涵涼月自明沙客中寂寞唯高枕夢  
裏岩峩已到家坐惜少陵南斗下山城無處避  
秋筵

寄李子宜

幾迴書札滿琅函鹿洞因君更欲探芳樹暮雲

迷渭北落花春雨正江南風塵易染衣疑化世  
路難行馬亦諳千里呂安真命駕此情難說晉

清談

五峰

西江攬轡經行久不識先生是舊人竹葉引盃  
歌爛石藤花壓屋對殘春雙飛乳燕危檣外獨  
立閒鷗汎水濱客裏愧無青玉案秣將丹訣問  
殷勤

箇箇聽竹樓

歷代詩選

月王子宜

三集卷卅四

十一



萬籟空中寂竹聲樓上來清風明月夜僧夢石  
床回

立閒浮碧亭  
山色湖中見湖光樹杪平飛來峴山寺相對望  
湖亭  
野寺僧歸

清風滿林一聲磬月下敲門鴉樹暝道是僧閒  
未必閒浮生擾擾何能定

去思爲邑博作

東風吹綠庭前草海棠枝上啼黃鳥簾捲花陰  
日漸遲正是去年人去時

題唐馬

超光無奈四蹄何瘦首驅馳路幾多莫恠天閑  
人倚視層冰猶望蹴交河

武陽驛  
小驛春深屋半斜東風開到刺桐花夜來有夢  
難分別半是長安半是家

徐可梅畫五枝蒲林對酒聽安山



柳陰風煖入舟微正好前村換酒歸安得山樵  
成邂逅夕陽閒語鳥聲稀

小巖裏坐半椽東風開徑疎林外野來青  
路轉逶迤山轉深白雲流水薜蘿陰恍疑此是  
天台境應有神仙何處尋

賦光無奈四湖回熟首飄飄望幾冬莫却天閑

賦道是僧閒

賦去平人去報

石倉十二代詩選  
明三集鳥簾林外集

石倉十二代詩選

明三集卷之三十五

西玄集

大明

綏德馬汝驥著  
後學曹學佺閱

述藝

述藝  
文轉華藻天賦文亦嘉並栗蘇

秦廷罷焚戮漢運開鴻朗著賦既海流興歌復  
鸞響屬國奏連枝都尉嘆殊壤洋洋十九篇古  
音垂俊賞鏡吹誰所為大風颯森爽卿雲與烝  
民眇邈回遐想繩之庶爾及頡之不可上

又



古詩自三百刪後已云無誰哉賦離騷哀憤陳  
中孚風雅多變聲連翩比興敷彭咸眇何鄉繼  
縵懷故都矚然脫泥滓日月行天衢千載吊遺  
靈吁嗟賈大夫

又

晉宋談玄虛摛文轉華蔚太康及元嘉整栗擅  
英氣節緩有餘音理愜無留思變化馳萬端雄  
才稱體貳千春病俳偶代流堪一喟苦心獨良  
工誰復討幽闕

聖代肇文明十世纘鴻基倚與我皇朝俎豆增  
威儀英賢一二作千仞揚鸞輝抽翰追竒崛琬  
琰光陸離朱絃有三嘆陽春和不稀雅頌久無  
稱庶以見今茲

送舒國裳謫閩中三首

童童百丈松上有女蘿絲延蔓豈不固所嗟霜  
露摧伊人何眷戀乖別亦何期傍路有清溪蒲  
生葉離離將子莫折蒲折蒲濡裳衣安得瑤玉



歷代詩選  
明倫彙編  
三  
英采采以相貽  
悠悠客言邁薄送城之隅薰風應律來炎蘊稍  
驅除裊裊微雲生忽忽翳天衢迢迢郊河樹冉  
冉南行車行車當萬里會面不須臾豈不愴中  
懷何能少踟躕  
武夷在何許乃在天南域上有神仙人端坐不  
飲食子行會尋訪路不遠萬億奉子藥一粒服  
之壽無極流目下九州眇眇當誰識我欲從子  
遊嗟哉無羽翼

歸至別業

行役不知倦匆匆造里門家人候車徒款接如  
嚴賓上堂拜父母悲歡焉可云族黨聞我至存  
問集如雲念我久飢渴展席羅肴珍肴珍不及  
餐各各稱悲辛老穉改顏貌今亡昔則存庭前  
雙古樹葉落何繽紛聚散本無期所願保其真  
胡爲學萍梗汎汎河水濱

初至郡

夙負山水懷得郡當名區太行何岑岑王屋開



歷代詩選  
仙都逝言我心獲豈謂禮法拘下車簿領繁三日形神癯形癯焉足惋山林晒可迂寄語山中子誰哉能豫否

又

弱齡遊國都浮沉意莫展中疾牽形役縣簿遭巖譴驅車適此郡升堂面有覩雖弛負擔勞所懼職司舛慨念古時人抱關以自遣予也分已越訾詈宜不免

與常子述別一首

朱夏陟縈巒沿溪三百里日夕賞未洽邂逅別離子望望登修途驪駒惠芳旨雖懷簡書畏祗羨丘園美丘園伊河清泌紆且深閒鯉駛下流鳴禽矯上吟一彈契高讌再彈愴離心三彈流水歇零淚沾衣襟僕夫在中逵莫誦驪駒吟欵曲獻杯酒揮手情不任浮雲起天側裊裊前山陰顧影念爾我徘徊遲德音  
停君濁酒卮贈張子言  
停君濁酒卮聽我短歌章家本上郡民少小慕



歷代詩選 卷之六  
戎行結交豪俠士馳遊羽獵場角弓掛左臂寶  
劍耀星芒誓滅黑山戎復此黃河疆竒策不被  
收雄志無由償俛首誦詩書強顏飾冠裳竭來  
青雲衢歛登白玉堂晨昏抱翰墨羈束左掖傍  
翩翩諸文學俊雅善趨踰回盼猛烈氣焉能效  
低昂玄關謝華蔚達人以此藏嚶嚶鳥鳴木豈  
不願高翔冥冥鴻在野弋者徒徬徨浮名污曾  
連流俗哂蒙莊素襟儻共愜濯足去滄浪

出塞一首贈許侍郎

居庸鬱參差蜿蜒擬飛龍回睇一何廣巍巍槩  
蒼穹玄雲無冬夏日夜多北風素雪皓千里炎  
溫肅青松虎豹不夕遊征夫怯晝熊北顧盡沙  
漠蕭條見飛蓬永絕天一隅乖隔山萬重丈夫  
奮慷慨志在興王功馳馬高隄上意氣凌雲虹  
鮮卑安敢前長蹈匈奴中邊庭塵不揚百歲無  
警戎世儒晦大義安識壯士胸

夜月懷舊遊

有序

往正德己卯予與鄭員外善夫張處士



詩王吉士廷陳遊西山今歲始六易予  
獲再至宿故僧舍愴然興懷時鄭已死  
閩中王亦罷官歸湖南獨處士在京無  
急復不偕行乃秉燭賦詩呈同遊諸子  
往者山一賞歛然歲六易丘壑不改故朋侶總  
乖昔眷言懷所欽中夜情莫釋閩越九仙化瀟  
湘二賢斥衡門結蓬艾車馬罕留跡念來俾義  
切感逝使心惕傾蓋談四禪興文發三益靈妙  
託冥期寂滅寓幽適叢桂豈虛招生芻良有獲

靜喧途旣殊存亡世復隔邂逅在神會契濶與  
時積庶申素絲篇一附玄冕客

曉發香山瞻眺

茲山鬱百仞綺麗不可名夕息眺未廣晨發賞  
更靈下展風露豁上千日月冥兩崕青合峙千  
殿翠疊成松杪泉細瀉蘭薄溪重縈金繩關險  
徑丹丘秘佳城花念釋子偈草感王孫情伊予  
抱塵役從告獲遊行理愜組欲解志超策每停  
春芳倏遲暮歸詠慚脩垆



山遊福田寺

城喧坐不憚野寂行能侶寶刹雲散炎赤崖日  
停暑名香藹藹織仙梵微微佇西攀鬱龍盤北  
瞻俄鳳舉松泉琴近鳴蘿洞鐘遙阻作禮山中  
僧超然無一語

宿善應寺

登頓青厓雲歸依金刹月晴窻合長蔓涼殿開  
深樾山靜鐘不流天空香自發齋心入杳冥道  
性行超越虛室照無鏡玄津通有筏燈傳叨鴈

堂駕肅慚龍闕

江子席上觀白雲

天畔騰白雲徘徊照君席影從玉杯墮氣向瑤  
臺積波藹練欲飄風輕蓋旋圻氛氲星月掩蒼  
蔚山川隔鱗葉旣露芽雪膚初觸石高城詰屈  
變層閣虛無闕書物非煙慚改容行雨迫龍翔  
乘九重鶴舞迴阡陌皓質迎帝鄉鉛華落仙宅  
願言奏芳歌精彩停今夕



束髮尚奇崛，總轡獲幽勝。西郊入巖嶂，北天互  
 綿亘。居庸霞疊丹，大茂雲盤艷。地險周河山野  
 曠，側巖磴水濯芙蓉齊。霜排刀劍瑩，遐邇觀如  
 一。晨昏接鳥磬，絕胡旣北極。作漢方中定，靈聖  
 或寄巢。隱淪無捷徑，賞心誠不虞。悅景懶非佞，  
 牽朱傷我懷。化緇違爾興，岐探徒御惕。榮歌川  
 谷應，逐物昧來理。旋服明初證。

城南園亭集作

城內多氛雜，引轡南郊園。陰林旣攢岫，名花復

繞原。矚目何清曠，矧乃陪高軒。高軒豈貴游，同  
 聲義所敦。芳絃薦綠水，旨酒傾金樽。攀桂長淹  
 留，折蘭成笑言。情洽禮或簡，時揆道並存。歡樂  
 亮難久，感慨顧已煩。流鶯遙自集，春草萋更繁。  
 比物得友生，歎世招王孫。百年事未測，何用勞  
 心魂。

同栗郡侯相里郎中登嘉嶺山作

出郭睇層霄，陟嶺揮浮嵐。崎嶇無展步，深阻有  
 窮探。構門負絕巘，懸井窺澄潭。游衍我心偕，賦



詠大夫堪康樂果弭展虞翻亦停驂朋遠集不  
易地靈賞必耽樂來命絲竹慨往驚戈鏑故壘  
鬱蒿蓬新詞列樟枏橫山况在眼巍如天與參  
峰齋四合沓礪壑雙衍谿行攀青蘿密採憶紫  
芝甘周覽日忽夕振衣徒抱慚

送任學正判襄陽

肅肅出京邑行行指江漢身爲半刺史興駕光  
可燦憶昨北雍居傳經擁童冠雀鱸詎敢期首  
宿徒興歎一朝佩銀章千里寒風幔展驥途已

遙贈乃心所玩拂雲襄水迴巨地楚山斷彼美  
習家池林巒屬竒觀宴賞謝羈縛觴酌飛凌翰  
罷歌白銅鞮嘯詠憤頻呴覽跡增慷慨撫時悅  
流翫隆中顧明哲峴首垂英宦欽德無古今勉  
旃庶同貫

答贈蔡九達內翰

秋歸一葉早節近雙星夕金陵行色動玉署羈  
懷釋桐知吳會林藥困文園客七襄慚報章徒  
倚山川隔



寄懷文徵仲

羈宦寡歡遊懷人絕良晤好爵徒自縻冥鴻竟  
誰慕松菊歎荒蕪芝苓伴沉痾招隱不成篇年  
華坐遲暮

長平行

我來長平驛天地無晶彩傍有頭顱山白骨千  
年在吁嗟監子武安君談笑乘時破括軍降卒  
一坑四十萬至今丹水血氤氳趙王社稷幾傾  
仄秦氏山河稍蠶食杜郵一劍身首分徒悔從

前多罪慝男兒立名筆硯中慎勿草草思竒功  
君不見此驛常時聞鬼哭最愁夜雨及凄風

王屋山歌

西來萬山盤居九天上王屋之山平若掌四面  
芙蓉削不成千秋青黛開何爽吁嗟麗觀三晉  
先東出淇濟雙龍旋晝看霧雨吐巨壑時聽風  
雷生絕巔舊傳中鑿雲君宅巖洞冥冥不易測  
三十六天誰遍遊可憐福地理荆棘瑤壇芝草  
發金光石室丹書虛閉藏羽衣鶴駕杳莫卽留



照仙燈日月傍君不見靈都紫微赫弘敞玉真  
司馬今奚往悵望煙蘿百尺懸幾時躡屐攀幽  
賞主餘寶劍篇有序芙蓉消予之潞州獲劍二箇爽共一念古者贈  
西來萬之烈士今子言揮斥六合磨礪三才舉  
以寄之庶稱情也龍其有靈無睽不合  
我有龍泉之劍古所罕千里贈公何意氣歐冶

風胡久不存嗟哉神物今誰貴憶昨鑄此逢良  
工昆吾積石鳴雷風天地太乙詫真巧蛟龍奮  
立炎市中蓮花片片秋河溢五色參差七星出  
玉匣紅光閉亦流錦絲珠飾纏仍密霜風犀象  
斷無難龜甲蛇文照日寒耀武王侯歡自得報  
讐豪俠忌相看莫言牛斗衝遙夕棄置泥沙齏  
愛惜有時霹靂上青天駿馬連城價虛索君不  
見張公七尺烈士身白面紫髯生絕倫常望滄  
江一騰躍共來四海揮風塵



送唐僉事之廣西

青門柳條春欲還錦帆孤飛不可攀問君抗手  
將何適五嶺蠻荒途路艱君子本自朱崖秀畫  
省年來看草奏一朝斧鉞出青霄萬里冰霜生  
白晝楚山盤鬱天冥冥越野南連軫翼星暇日  
褰帷更詞賦雙鴻須寄子雲亭

席氏涪江三仲行

君不見涪江之源發西川東來萬里開風煙雷  
奔雪噴撼天地日轉星迴浮上天嘉陵中江兩

蕩滂玉壘金華蒼翠出盤薄三巴散五湖冥冥  
浪閃蛟龍室榮光休氣無今古錦石丹砂若泥  
土嚴馬王楊各一時此日賢才更可數產秀鍾  
竒本天意君家吉夢多靈異恍惚清秋江水來  
中流白石懸文字赤日照耀下筆親芳連三仲  
鐵畫新漢女支機自五色周王刻鼓空千春歲  
華歛忽經三十果見徵祥棠棣集三鳳翩然千  
仞餘凡鳥百萬焉能及伯氏聲華北斗齊雙懸  
赤鳥揚明珪仲也金門季瑣闥雲霄信步登丹



梯築巖形像還名世捧日功勛看會際紫荆庭  
院畫花鮮碧草池塘春節麗秩宗惇史兩無忝  
死諫忠誠元不貶蟲雕詰曲著鼎彝鰲立嶙峋  
排琬琰始知川后真神明尼禱嶽降非偶成補  
天障海在公等詞賦獨愧草玄卿

本寒食日作

帝京日日霾塵土錦繡園池身未睹歲事漫經  
三十二春華又過一百五我昔爲童憐令節故  
鄉遊治那羈紲牽衣窄地柳如絲走馬穿林花

似雪玉樽倒繫聽流鶯細雨和風半醉行曲罷  
人誇綵雲色詩成自辨黃金聲大隱年來青瑣  
裏朝回閉閣愁揚子忌龍何客歸莓苔歸燕誰  
家趁桃李城中佳氣滿新煙貴里何門歌舞前  
公子南橋喧踟躕笑人東苑出鞦韆九陌徘徊  
黯將暮天邊縹緲香車度今宵漏轉散星辰明  
日春殘鎖雲霧春來春去真流水頭白顏紅莫  
悲喜寶殿蛾眉嬌妬多碧空鳳翼光輝起自入  
樊籠情不怡人生快意苦無時買舟乘興歸滄



海脫帽遜名更紫芝

白登山歌

漢皇昔日百戰餘山東諸侯匹馬無  
冒頓精兵四十萬南踰勾注窺天都  
九重按劍風雷動羽檄車書罷傳送  
自云破竹不可支豈料伏機翻自重  
白登之圍亦誠苦七日不食不控弩  
士卒墮指雨雪寒胡奴被裘氣如虎  
四方馬邑跨雄威雖逐翩翩鳴鏑飛  
青笳四面奏謠曲闕氏獻賂貢卑微  
竒謀秘計世不識神靈暫解風塵色

歸來半道曲逆封公主和親行塞北  
長安城闕雲霄中熊羆夾衛駁龍宮  
白龍魚服遭人侮却向沛兒歌大風  
繫頸單于功未就誰使後來還擊鬪  
祭天金人何處歸上谷造陽終莫救  
君不見白登之山今若此不見烽燧見  
流水

嘉嶺山行贈相里比部

君不見嘉嶺山去京幾千里南接秦川  
塗路艱北通榆塞烽燧起射獵之地  
形勢雄嶺岼詰曲當天中下闕延州  
十萬室渺然城郭垂雲虹昔



也范將軍戰壘埋荆榛今來相里子卜居爲逐  
臣相里堂堂涑水英壯年文賦登承明含香畫  
省星辰逼草奏丹墀日月行自矜一身遭今聖  
世便排闥闔陳王制歛忽萋菲只錦成九重虎  
豹空呵衛補天填海誰復知獻璧投珠翻見疑  
長沙夜郎不謂遠躬荷干盾之邊陲邊陲突兀  
羨名山斬木通道何間關嘯雨林岷猿狖避出  
雲苔洞蛟龍還振衣採藥各有所登臨豈必皆  
吾土百盤翠磴嵩華齊今線黃河秦晉俯坐詠

雜騷攀碧松笑衣薜荔餐芙蓉翳鳳驂鸞動羽  
節玉京迢迢群仙逢君不見商皓紫芝徒燁燁  
傳巖材力元舟楫桂煙蘿月且遲留徑深莫比  
終南捷翠峽來風雨林青雲下

水竹篇贈朱郎中百詩詞賦各文體類

君不見白龍潭東竹千畝日翠天華自盤糾竹  
間水上茅堂開四檻琳琅帶瓊玖冥冥直幹煙  
霧生颯颯密葉波濤驚十里飄飄聽竿籟萬竿  
合匝攬戈兵主人愛翫興莫比卜築行吟致雙



美夜月曾經綵鳳棲春池果應蒼龍起崢嶸葱  
藉托蓬萊玉殿金門問異才伶倫嶰谷傳音至  
漢帝淇園賦奏回荏苒霜寒凌卉木精英黯澹  
排林麓松梅苦節本同期江海清陰如在目君  
不見三徑幾年違此君可憐階屺苔成文錦籜  
黃苞更羅列時來風雨拂青雲

駕出

簫鼓動神京君王出塞行賦從無羽獵道送有  
公卿月上蓬萊殿雲開驃騎營垂衣仍不遠四

海望昇平

遊弘法寺

會開弘法寺十里鬱珠林此日經行處冥冥樓  
閣陰天香浮晝色石磬動秋音千古白蓮地幽  
期與重尋

寄答許子

悵憶華山子山中詩興深遠違金馬詔近示白  
頭吟叢桂秋堪採三花晚自尋却慚羈病客虛  
聽伯牙音



元夕仲禮席上作

上元宜晚霽况是宴高堂曲罷梅花落樽前竹  
葉長月星低戶牖燈火背宮墻坐覺喧車馬遊  
人樂未央

明卿見過留酌

海內風流客天邊放逐臣轉蓬嗟地遠伐木喜  
情親花送金杯數雲停綵曲新如泥君莫較百  
歲幾青春

出遊顯靈宮

玄宮枕城闕朱日靜林丘何幸金門暇言陪羽  
蓋遊松階雙鶴舞竹檻一鶯流似得還丹訣乘  
雲度十洲

永光寺哭黃大理伯固

平生黃大理身世屬艱虞諫獵書空在登封草  
竟無雲霄歸逐客江海失潛夫灑涕巖廊暮花  
宮旅襯孤

土城寺送伯誠

停君斧鉞威別宴一觴揮霜葉留金剝天花繞



繡衣燕然名自勒孤塞檄頻飛獨念雲霄上論  
文故舊稀

姚園重送子雲

解劍青門別持杯綠野看向來花樹好此別柳  
條殘听鷓晴飛動池龍晝曲蟠一麾千里去嵩  
嶽在雲端

同鄒張二君過飲金美之寺中

西林問客星獨愛子雲亭竹日搖窗翠松雲倚  
殿青金杯攀隱逸石榻坐沉冥佳勝聞吳越凌

風思不停

哭鄭少谷

大雅何寥闕升堂獨鄭玄鳳嗟還異代蛇夢豈  
今年畫省煙霞吏青袍海嶽仙劍心徒自許無  
淚灑南天

謁長陵

玄宮倚玉岑碧殿鎖雲林鎮接黃花險天翻紫  
氣深山河七聖扈霜露百官臨迴憶金陵關風  
塵夜夜陰



歷代詩選  
送楊用修謫金齒

韋業繼玄成商王惠保衡國師捐珮去學士荷  
戈行萬死投蠻徼孤忠托聖明反騷知不賦  
日望泰階平

夜至紫荆關

石徑千盤上關門萬仞懸朔風猿鳥避邊月虎  
豺眠洞壑深翻地巖齋迴接天征途空渺渺極  
目愧雲煙

大同作

塞國晝風沙寒威掩日華竹杯虛細葉梅角自  
殘花雲駐孤城節水行十月槎秦西與燕北帳  
望各天涯

元夕

夕月春多麗銀潢映雪流張燈時俗喊秉燭古  
人遊九陌青絲騎三山綵玉樓舊攀京國宴回  
首笑淹留

同陳殿講孟少叅遊顯靈宮

古院賓朋合高秋殿閣陰菊花催落帽楓葉感



歷代詩選 四馬仙傳 卷二  
鳴砧日月玄門異山河紫極深醉憐雲五色遙  
駐綵鸞音

張子言至自澤州賦贈

君向太行歸山嵐滃素衣松峰寒翕沓蓮寺迥  
霏微路憶羊腸繞雲瞻馬首飛舊州慚惠愛棠  
樹翦應稀

望谷寄答林司成

校圖東觀罷講藝北雍初冠帶通仙籍宮墻接  
帝居金鑪懸雅調石鼓索奇書尺素遙相憶呼

童問鯉魚

送劉以學郎中謫戍柳州

鳳谷指龍洲天南海北頭洞壑驚去節山鬼傍  
行舟目斷三辰暮魂飛五嶺秋梅花落橫吹九  
歎益添愁

馬李二進士招遊天寧寺不赴贈之

蓮寺携尊俎花天伏枕過朋遊才並妙燕賞興  
如何嶺日懸孤塔城雲抱兩河幾時隨喜出扶  
杖聽鶯歌



昌平學中宿憶景孚

憶昔逢江總論文此對眠別來俄十載歸去已  
重泉色照虛梁月魂銷故榻煙山陽吾欲賦寂  
寞不成篇

顯靈宮憶陳真人

憶同文翰友王觀數追隨春杖穿花早秋筵坐  
月遲仙翁俄羽化童子亦星離閨寂還題句無  
因寄所思

理訟戲作十二韻

昨謝蓬蒿士陪遊翰墨林五言徒適意三尺未  
關心豈謂明時斥居然大郡臨簿書何委積訟  
獄更侵尋詎望臯謨允常承舜典欽兩辭紛玉  
石一聽決商參棘羨前賢地棠慚異日陰無牙  
穿白屋有矢得黃金頗怪唐風變翻嗟漢法深  
于公寧駟馬宓子只孤琴已失烹鮮理將爲種  
豆吟秦中好川麓遲我挂冠簪

北嶽二十韻

代郡高誰闢恒山鬱自盤頂浮天地濶傍掩日



星殘形勢并門扼威靈冀宅安省方玄帝始分  
野紫垣端錦繡虛無出銀鏐縹緲看寶符傳七  
聖玉簡奉千官俎豆行冬殿琴棋駐曉鑿觀碑  
垂歲月窟石鎮林巒百里煙霞秀三時雨雹寒  
穴風生虎吼巖瀑主龍蟠橫塞襟長白穿胡帶  
紇于魏遼曾甸服燕趙自泥丸氣滌羗羗雜烽  
消岫嶺攢東啣滄海嶼北控黑河湍鐘乳猶懸  
穗金芝卽捧盤薜蘿翻翠壁松栢護瑤壇雲步  
名仙會芝圖大隱歡障開峰繞碧社入竈還丹

拄杖思黃鵠飛車問赤鸞真源何窈窕不獲挂  
纓冠

十六夜吳舍人宅觀燈

巧匠滇池出高人漢閣懸蛛絲雲織細翠羽水  
翻妍曉暮霞齊落陰晴月共圓歌塵飄宛轉舞  
袖照連娟荷剪千枝火蘭生百和煙市星春色  
亂堞霧夜光偏鳳架寧堪對鰲樓詎可憐願同  
佳麗地長醉艷陽天

題斌上人半峰菴十韻



禁院開初地茅菴結半峰人寰赤甸近天路翠  
微重嶺日吟窻抱崖雲講座封憑虛靈擬驚出  
劫靜參龍擁褐衣侵蘚焚香案覆松杳冥依上  
界寂滅問南宗直對三山塔遙分萬壑鐘江濤  
元霹靂城闕枕芙蓉碧桂高僧賦金花往聖逢  
無生非不悅汨沒愧塵蹤

小至

至日今年雪滿城虛庭力疾玩流英檻梅迎臘  
渾多媚山霧爭寒故不晴雲物天邊愁獨望酒

杯歲暮好誰傾遊龍萬里無消息刺繡空添一  
線情

呂公洞

吁嗟怪石開者誰厓根撐柱何纍纍入門晝黯  
儼風雨探穴泉瀉驚蛟螭雲覆萬山丹竈隱苔  
深幾年鐘乳垂仙翁騎鶴倘再至木食草衣予  
願隨

河西驛別大兄叔素弟

兄弟憐予將遠行送予河上各沾纓停舟三老



休時促接席深杯且暫傾傍路寒鴿還對語  
風晚鴈况孤征莫將冠蓋愁今日終擬漁樵共  
此生

寄致仕少宗伯東江顧公

九峰迴合願亭前極目門墻興渺然地美東山  
春獨臥天遙北斗夜長懸閑扶藜杖青雲出老  
愛松窻綠野連湖海冥冥風萬里放歌終日釣  
魚船

十四夜呂涇野留集大興隆寺翫月

夫子幽棲寺在城開襟坐見月分明素紈影向  
金波轉碧桂花從寶地生笛裏關山仍自照尊  
前風露莫相驚只愁驚嶺浮雲起攬贈誰歌手  
不盈

送林見素大司寇致仕歸閩

壺公三仕曾三已又向三山問紫芝龍性莫馴  
書屢上鳳輝遙覽烏仍移玄文老去雲霞變直  
道生來鐵石知擬奏客星天漢動羊裘江海不  
垂絲



歷代詩選 酬雷進士風晝有懷之作

京正月日風颺美爾玄亭坐寂寥玉奏還流  
朱瑟曲金莖不隔紫宸朝春餘苑雪縈梅樹凍  
入城雲曳柳條往並豪遊今偃蹇焚魚側望小  
山招 登觀音寺閣

紫荆曉疊丹梯上錦樹冬開翠閣幽轉愛樓臺  
生怪石不妨關塞歷崇丘手揮日月三千界日  
斷煙雲十六州鐘磬下方時並響誰從真氣望

青牛

送盛吏部任南京

金陵樓閣綵雲張畫省才名盛孝章北望星辰  
還 帝關南遊山水是仙鄉城橫曉樹青龍杳  
洲抱春花白鷺長王氣鬱葱今不歇六朝詞賦  
轉輝光

寄答武儀賓

萬松盤鬱太行西藜杖三春憶並躋雪積陽厓  
凌寶刹霧蒸陰洞繞丹梯觴飛峻石青霄上曲



歷代詩選 明倫彙編 家範典 卷之三  
駐高雲白日低符竹一辭今五載君看苔蘚護  
審題

秋興

帝京西北萬峰羅野興會聯白玉珂寺合明湖  
懸寶樹閑開古壁裊青蘿昭回鳳闌煙霄迥寂  
寞龍舟歲月多故舊萍逢各漂轉清秋吟望欲  
如何

又

虎符曾剖太行巔石磴千盤踏紫煙雲接嵩邛

雙濟廟日搖淇衛百門泉傷心京洛懸旌裏極  
目山河濁酒前蘿月松風秋似昨臥深蓬草望  
高天

又

古來宮闕滿閑西誰築高城北斗齊池柳倒臨  
千嶂出嶽蓮迴映八川迷沉竿曉繫馮夷鼓叩  
閣宵燄太乙熬悵望才華還異代樂遊風物自  
妻妻

又



吾鄉上郡古沙場萬疊荒山繞朔方胡騎數窺  
青海月漢兵常帶玉門霜笛驚出塞人煙少饒  
憶之回鳥道長舊業漁樵谿谷靜幾時三徑接  
求羊

送才伯歸省廣東

君喜泥書下瑣闈我慚杯酒出郊畿十年春殿  
陪鵷列萬里寒江羨鷁飛緡席筍迎金露長版  
輿花映白雲歸侍臣獻納今皇憶莫向南滇問  
釣磯

歲暮

歲歲殘冬酒不虛今年今日怕臨除喚愁塞鴈  
雲邊落索笑園梅雪後舒九陌喧闐還鼓吹一  
枝棲息自琴書異時海嶽行蹤滿太華終南定  
卜居

除夕

四十無聞又歲除帝京孤寂倍愁予崢嶸日月  
悲龍劔阻絕關河憶鴈書小院香燈星欲動高  
城鼓角夜何如椒花栢葉生憎劇故逼陽春伴



客居

送李仲純少叅之蜀

金章漢署十年成  
綵旆迢迢蜀道行  
坂接雲霄青石棧  
江圍花竹錦官城  
文翁講學還遺俗  
葛相紆籌更大名  
山水西南春興劇  
好將詞賦寄承明

送白貞夫使平涼

漢宗盤石重西涼  
使節親持畫省郎  
曉散楓宸瞻禮樂  
春遊竹苑羨文章  
空同玉觀臨河迥  
隴

坂金鏡出塞長  
獨向皇華懷歲月  
鑪薰起草待明光

王翠亭前花開滿  
樹有懷

去年樽酒對芳菲  
弟勸兄酬醉不歸  
賦詠共憐華棣合  
起居誰料紫荆違  
縱橫日裏鶯交坐  
爛熳風前蝶亂飛  
茅屋故園春好在  
遲迴想望一沾衣

答文徵仲待制

南園羽翼笑無成  
北會衣冠歎數更  
忽自乘槎



天塹水共誰沽酒石頭城臺花暮送三山目江  
樹春懸十載情卽擬漁舟浮震澤敢攀詩筆動  
神京

送龔祭酒之南京因訊李司業  
憶攀樓閣對鷄鳴極目雲霄指帝京  
隔歲萍蓬還會面向時桃李總關情  
璧池講重南邦席玉署文魁北斗名  
去問同遊謫仙子三山二水幾詩成

金月宮寺夜別大兄諸友

鴈堂春鴈集明發異行飛腸斷雲天遠  
魂驚夜月歸

擬古宮詞

上林羽獵載紅粧內苑新開六博場  
采色滿盤消永漏不知紈扇冷昭陽  
春夜鳴鑾幸狹斜黎園歌舞妓如花  
數聲羯鼓催瑤月一曲京州駐綺霞

送張山人遊華嶽

龍駕雲裳羨爾遊琅玕芝草爲誰求  
直從箭括



歷代詩選  
通天戶手握明星視九州

送尹太史南祀

鴻濛南嶽半南天下映明湖黛色懸春薦馨香

開玉簡晴流七十二峰煙

元夕余太史約觀燈不往賦贈

聞道燃燈十二重帝京明月動歌鐘玉毫應

散金床色片片天花繞雪峰

出塞曲贈許侍御伯誠

龍塞青笳咽暮風鳳樓吹笛落梅空何如馬上

琵琶曲秋草淒涼入漢宮

幽州豪俠自輕生投筆新從上谷兵月滿平胡

歸絕漠天寒飲馬出長城

升天行贈季明德

九仙歡賞吸朝霞五色熒熒太上華要爾乘風

聞闔裏玉簫雙導紫鸞車

西湖曲二首

浮沉竹嶼蔽千峰迴合花臺樹萬松落日平波

懸石鏡青天誰削玉芙蓉



武陵湖波遙接天，鄱陽洞庭空渺然。此水元從河漢落，乘槎欲上女牛邊。

越中吟送陳山人三首

耶溪玉女浣沙迴，笑採芙蓉細浪開。不似苧蘿歌舞地，年年花草恨蘇臺。

雲門樓殿闢天都，朝暮樵風綵鷁呼。溪竹巖蘿盤一徑，前山鐘梵隔春湖。

鑿望岩巖堯海畔，凭越臺花木繞西陵。終南華掌春如繡，回首青雲百尺藤。

寄題王司徒勾曲山房

峨嶠西連林屋東，羅浮岱嶽遠相通。神仙窟宅今誰占，茅屋三間倚太空。

已看草奏八彤闈，復道彈冠侍紫薇。霄漢自隨鸞鷲羽，風塵猶憶芰荷衣。

我嬰世網損朱顏，每欲辭家學大還。嶺上白雲休寄取，煩君爲買積金山。

石倉十二代詩選

明三集卷三十五

終



石倉十二代詩選

卷三十六

飲露林風塵餘舞葉

今翁山茶室二間尚太空

知神西野林墨東照

音賦王河封內山山

石倉十二代詩選

丈人主向三集卷三十六

世槐堂稿

大明

後學曹學佺閱

長樂陳文沛著

木瓜園曲

沃壤突荒原珍瓜此托根似粟宜周土自向春  
 風蕃一從河套警胡馬時入境有草豐沮洳有  
 泉汲深井于時園故址鬼竅架高壘百萬屯貔  
 貅戎帳望連里中軍旗百尺洞見虜踪跡歛忽  
 炮一聲直搗千層壁瓜去度幾秋園名因瓜留



愛園不愛瓜園是殺胡丘陵谷遞相尋滄桑變  
古今爲詩戒諸將永杜匈奴侵

過開成苑

人道西陲苦塞荒我見碁星羅牧園許多沃壤  
亘平波更有高城足備禦河地草碧泉且甘箕  
笠隨身宜暑雨霧掃煙開虎豹藏息領騰驤何  
得所驪黃牝牡錦成羣逐電追風壯萬旅食力  
尤仗官有租夏刈來牟秋稷黍朋儕酒熟話比  
隣暮砧月下鬪婦女人生何必繁華居但願太

平俱樂土迂踈本愧乏才能努力馳驅慰當宁

觀梅圖

昨夜重泉動氣機萬柯猶自慊寒威高人幽况  
久蕭索感此東風故相依東風縹緲到西陌疎  
影湖山破雪白忽逢驛使隴頭來一枝馳贈朱  
門客珍重瓶之碧玉鬕從以獨鶴成雙清箇中  
此意無人會之子由來道眼明兀坐清羶思默  
默相看元不爲顏色君不見孤山愛林逋千載  
馨香數幽側何如驢背騎浩然踏徧乾坤春消



息

華亭曉發

千岡萬岫削如壁孔道迢迢越山脊峰頭突出  
兩新宮云是西來王母宅又牙老樹蔓藤蘿籠  
霞幙霧人間隔丹成石畔竈還畱人去爛柯遺  
殘奕懸猿有智也愁顏飛鳥無風寧歛翮截墓  
意態不可窮迤邐崑崙元一脉自從宦轍寄行  
寺一歲曾經幾踪跡春風浩蕩覩山蒼歛忽秋  
容轉頰赤茲來夙駕望扶桑幾度回頭未吐白

高兮絕巘引肩輿若凌星辰手可摘低兮斷澗  
旋迴輶仰望青天如疋帛夾道當空午猶陰懸  
知未晚日先夕霜色侵裘手已僵僕夫汗浹珠  
垂額臨風立馬久躊躇憑誰可問登山展

元宵行時公幹鳳翔

兩度元宵俱作客野徑宵征看皓魄紛紛盡是  
少年遊踏徧花衢連柳陌千門萬戶鼇山紅彷彿  
蓬萊在只尺闔燈海內擅標格關中製巧兼  
羅帛金蓮點綴十二闌閃爍高臺明雜劇當年



夜禁弛金吾歌管聲中諧玉拍香風襲透繡羅  
衣六橋艷麗浮金碧此際官箴難浪跡撫景亦  
足破蕭索寺僚况復俱團圞相對岐下影不隻  
囊簡青錢恰三百貴得濁醪流琥珀縱無竹筴  
與江魚羞羔剝兔盤狼籍不盡歡娛假博塞聲  
咤東隣呼五白君不見竹馬少年騎百歲光陰  
駒過隙行樂不時知何益又不見萍梗隨風飄  
他鄉何幸一聯席斯文勝會不可常回首芳辰  
良足惜

范東隅小集詩以謝之

未僚叨盛宴美餼薦春盤局手誇無敵杯腸苦  
未寬深尊頻蠟燭明月半闌干不盡東君意馨  
香散牡丹宜勝對青蘋想即堂朱外感百仞  
由來清平驛和韻黍苗思萬竇歌辭卒消營  
客中愁萬種風物易相干何處三更雨將來五  
月寒鬢毛羞對鏡髀肉漸消鞍燈火邊城夜清  
尊強自寬

龍州遊陳氏園谷口懸岩有吳參將墨刻



一源洞白澗半畝團青丘虎踞雲中嶂龍蟠谷  
口州丹崖與翠壁鍊畫又銀鈎忽有登臨興崎  
嶇到上頭

威武堡和漁石韻

由來荆棘地化作黍苗場萬竈嬉精卒諸營跨  
上驥威靈宣朔漠宵旰慰明堂考牧邊臣分何  
辭道路長

懷遠堡和韻

峭壁棲危石羣阿漫迭博河流隨溜曲樹影逐

風斜客枕移更鼓鄉愁種暮笳署臺何寂莫隣  
舍兩三家

龍州城次韻

朝來溽暑收甘雨慰遐州豐卜稻田夏徃防胡  
馬秋關河窮被髮象緯暗旄頭誰勒燕然石天  
山定一籌

驛馬關次韻

砥道迴岡麓煙村擁野城逢碑欲訪古剔蘚始  
知名關隘三秦轍江天萬里情孤燈愁憩處雨



送紙窗聲

過涇州和顧箬溪雪中遊王母宮韻

山發崑崙列涇澣宮開王母老崑隈千年雨熟  
碧桃候萬乘風臨青鳥來祠下森松凝臘雪林  
間菱木待春雷悠悠往事真成幻不見宮桃更  
着花

詠地藏寺澹泊生涯

三千世界絕塵囂衣鉢傳來本寂寥編戶更須  
青竹穩為衣不厭綠荷澆時供佛榻茶三盞

芭蕉  
啜齋堂粥一瓢誦罷華嚴仍嘿坐黃昏風雨對

鎮戎城

扼向咽喉控百蠻塞垣千尺重如山風雷長鼓  
貔貅陣崑石何當虎豹關煙霽川原羣草淨月  
明刁斗五更閒燕然勒石當年事蓬矢桑弧老  
更彎

對月書懷

政一堂前坐夕曛驪黃閱盡數千羣祗緣牧事



多彫敝故與光陰競寸分直北有懷遙望斗還  
南無計欲瞻雲百年湖海飄蓬跡曾伴清輝幾  
度圓

雪晴出郊

朔風吹雪霽前宵此日餘寒苦未消皦皦生暉  
迎遠嶠纖纖含凍結疎條晴坡躑躅頻嘶驥野  
老蓬鬆例著貂深畔澆稜蹤跡破隨波片片下  
西橋

和龍湫沈兵憲陪制府漁石公元霄領鎮

黃西樓韻

雨師昨夜灑塵清一曲燈前雜管聲為有元戎  
能却虜頓令邊塞不知兵試看梅綻先東閣共  
賞風光到野城銀燭欲殘瓶未罄鎮西樓上月  
三更

棗園堡道中

黃雲漠漠徧沙場列岫烽墩簇筭行狐兔千羣  
深塞穴山河萬古自封疆新枝細草春回嶠鏡  
騎朱幢曉渡岡緩轡棗園風日好淨塵微雨灑



衣裳

平差堡

早起還城春色寒馬蹄塵逐上旗端每愁風土  
能成疾不信儒生解據鞍酒爲詩窮聊強醉飯  
憐途遠故加餐任教烽火中宵動笑把吳鉤倚

賀蘭

威武堡用馬宋二公韻

列寨刊崖不記年爲防胡騎健秋天深溝界盡  
黃河滸芳草愁窮紫塞邊磧攘揚沙苗欲槁冥

穹慳雨意何偏架梁輸粟兼償馬力匱戎丁殊  
可憐

尾亭次壁間韻

沙漠經年走使臣還期名節重遐濱羈棲不管  
衣裳舊浪迹深漸歲月新冷暑相看真俗眼旁  
蹊畢竟達通津重門半掩黃昏雨思遶梨關憶  
老親

立春日隴中即事

塵土忘勞笑眼開元燈節屆好春來文衣鼓吹



風前隊驛路光華隴上梅列炬通霄聯萬戶五  
雲成片護三台昇平宦况渾如舊對鏡翻愁歲  
月催

望農家

數椽茆屋傍山開橫麓平簷雪滿堆耳畔春風  
還料峭田家錢罇尚塵埃雞豚咤客穿籬入牛  
馬馴人際晚回何事隣翁喧笑語為儲舊穀接  
新來

甲午春季月承繼善殿下招飲山樓限韻

一  
賦此

百轉枝頭鳥當歌離離杏實尚連柯紆迴山水  
秦中少遠近樓臺眼底多高敞却宜仙迹到清  
幽未許俗人過眼前蒼翠渾如舊感慨光陰似  
擲梭

瓢窟

石闥層層似躡階薜蘿深處半封苔松蟠古洞  
千章合泉沁平池一鑑開幾度雲雷龍化去數  
灣蒼翠鶴歸來振衣直向江頭立海國微茫絕



點埃

桃源洞

高扉澗牖瑣煙霞天啓神仙一大家  
洞躡秦人雲外跡樹移度索山頭花  
泠泠緝瀑分瓢窟耿耿文星挂石崖  
出谷時乘白鹿去春風袖裏棗如瓜

書守誠扇

綸巾剛半幅潦倒醉山花  
瀟灑春風眼乾坤自一家

書守誠府畫軸

溪詭浣花春正幽深尊遠挈為花遊  
花神暗逐流光轉免被花飛重客愁

右杜甫遊春

筆畫原從心畫奇幽懷瀟灑此江滑  
墨池浮動雲箋滿正是先生適意時

右羲之灑翰

中原消息昨來非運甓齋居心事違  
惟有醉鄉堪浪迹良宵舉白伴清輝

右陶侃望月

酒興詩懷長灑落苦被冬風故蕭索  
欣聞一白破南枝策蹇衝寒徧層壑

右浩然尋梅



附廖世昭

字師賢自號越坡原籍懷安今屬候官縣

送蔡希淵同年

一雨十日泥出門阻行馬有懷千里人舟次洪  
河下深林啾鳥過憂憂迷梧櫂朱絃古調絕浩  
歌淚盈把去矣崇明德豈謂知音寡明年雙鯉  
魚還遺舊遊者

官亭期別林貞孚不至

江亭涼氣初竹風坐來曉澄澄新水光危欄動  
清沼懷我同心人離心未渠了載酒問鮮花君

舟聞渺渺白雲亦何情望望雙飛鳥

鐘山寺訪李明德同年

病來謝冠簪入門疎造請念君鍾山寺力疾每  
能省憂時各有懷高談劇玄境剝荔續餘歡盡  
日還燭秉絲瓜風蔓長月出舞蘿影中庭更移  
榻相對夜忘丙謝君應報酌餘情猶雋永

秋日郊行訪半洲同年

得朋齊命駕出郭小登臨風磴吹秋髮雲門靜  
道心白衣那復酒黃菊正須吟試問征夫路南



山未夕陰

其二

秋日林泉思重陽  
夙昔心楸梧寒露冷  
桑梓白雲深同病  
殷憂在相逢夢寐  
今茱萸托風俗衰  
鬢若爲簪

其三

潦倒逢高會殷勤謝半洲  
秋懷本搖落吾意亦  
淹留瓊玖何能報  
蘅蘭欲買舟青春良  
不負重訂妙峰遊

定光塔續登高

寶塔層層上危欄  
面面開秋城團野曲  
遠水接天迴日射珠  
光迥風迎鐸響哀  
長安知萬里日斷朔  
雲堆

其二

久負登臨想因諧夙昔  
心蓮峰環秀拱祇樹度  
雲深控海通西極扶桑  
對夕陰山川形勝在愁  
動濟時吟

冬令



草木存冬令蚊蟲不可驅  
朔風猶自有商意  
竟如無客子新行色  
寒天問北途  
感時何獨我  
懷古憶潛夫

平遠臺同年友登眺

平遠澄秋望登高謝俗喧  
周遭盤石磴潦倒法雲門  
泉脉開幽徑松蘿掛小村  
素心元有約青壁可能捫

其二

隱隱三山閣悠悠萬里情  
素秋窮望眼直北是

神京金粟荒臺近熙寧  
古篆平欣逢成勝會羣從有年兄

重赴

重赴艾公堂居諸及大祥  
青青湖畔草短短雨中秧  
小嶺黃沙磧長途赤竹洋  
典刑誰復在獨立北風涼

其二

蘿薜垂車幃林塘映夕暄  
牧童能學拜野老自忘言  
叢篠深幽徑團棋綴小園  
何時成卜築雲



岫對開門

其三

野色迷青草江光下白雲  
大觀隨目力幽意愜  
人羣渡遠千艘集橋長萬壽分  
因之思羈旅柔櫓不堪聞

送張淨峰同年謫南都

聞道金陵好遺經國學開  
師儒君不忝忠諫我慚陪  
伯起三鱸在天王八駿回  
臣心如朔雁嘹唳五雲堆

聞同年舒梓溪謫閩

三疏忠誠達聖明海邦新命乞恩榮  
孰云天下無男子我愛年家有弟兄  
社稷神靈方倚芘朝廷民力正孤惇  
一峰官舍畱詩在閩水閩山何恨情

送林汝桓年兄使楚北上

天使南來復北征荔風香送馬蹄輕  
忠勤報國銜新命清白傳家濟舊聲  
靡盬賢勞光楚水照人文彩動神京  
棠舟桂楫須君試寂莫違時歎



賈生

聞王陽明檄邊事

羽檄星馳大將書西風兵甲竟何如三邊總制

紆籌略九廟神靈慰掃除地險只今難要害天

時何處問孤虛由來長子師行在魚鳥堂堂照

隼旗

和舒梓溪荔子詩

明珠十里越江濱土物真堪席上珍潤渴冰霜

堪夏正餘甘風韻趁時新蒲萄香水誰爭長盧

陵人

橘揚梅總後塵包貢自來王國典隱憂愁絕杜

陵人

月光

月光還不定春夢苦無憑歎世南來雁愁人獨

夜燈

動靜

靜者能觀雲動者思對棋對棋多變態浮雲無

定時

雜述



山色水雲夕梅花天地春撫絃發孤調誰起賞  
音人

庭前有梅樹枝葉亦扶疎春風吹花落時點主  
人書

豺虎本不驕深山自成勢行子畏陰風天寒應  
獨避

南山亦有雲垂作南山雨坐使愛山人憂心獨  
何苦

新水出郭訪蔡半洲同年

新水石橋長平田一望洋  
祗言生計好誰復問  
災傷

長路迢迢馬泥塗問半洲  
風煙惜分手斜日在  
林丘

別郭澄卿同年

南國三秋別西風萬里船  
只今明月夜何日聚  
星年

答李明德同年



清冷酸鹹同氣味世途函蓋自方圓山門便說  
無生話水在冰壺月在天

答林貞孚借書

山房蘿薜正春時桃李花飛上硯池千古遺經  
休寂莫儘教人笑借書癡

廖先生字師賢世居越山之下自號越坡厥  
考雲騰登進士官刑部郎中先生以易舉正  
德丙子鄉試第三名丁丑成進士授海州守  
以病乞教職改國子博士間歲竟卒于官年

三十五無子所著有 統志略汪郡守文盛

刻置郡齋盛行于世而詩文則散逸無傳矣  
爍家藏先生手錄詩一卷字法蒼勁恒寶愛  
之近曹能始選梓明詩乃錄而附于陳東槐  
堂集之後先生名列福州郡志文苑此亦龜  
毛兔角也崇禎壬申仲秋後學徐爍識

石倉十二代詩選

明三集卷三十六 終



Handwritten text in columns, mostly illegible due to fading and bleed-through.

石倉十二代詩選

半洲集

大明

後學曹學佺閱

候官蔡山經著

葉來聞蟬賦別贈李時言之官

瞻彼高樹林鬱鬱生繁陰白日翳疎影夕露沾

衣襟鳳皇歛芳躅玄圃播微音螻蛄集危榦逸

響穿雲岑臨風轉悽切靡靡傷人心遠遊理征

旆感此那能禁徘徊岐路側薄酒聊為斟回首

歲華晚豈知寒雪侵紛紛下木葉策策俄蕭森



飛鳴渺何許寂歷空林深願言勉行役笑比雙南金

次劉平嵩滄洲韻

久被微名役勞勞塵未清滄洲在何處使我雙  
眼明危樓倚江郭風波靜不與晴沙映白日落  
葉來秋聲桃源不可見此地櫻吾情瓊玖信堪  
把駕言遂茲生

先照樓與棠陵燕集爲題蔣山山畫

疎林日影薄古寺微風吹開筵落高閣窈窕歌

聲遲棠陵有狂客落筆騰蛟螭坐令山山圖倉  
卒光陸離餘情索素練一吐渾珠璣徘徊脩竹  
關潦倒黃金卮葛巾將草屨憶昔中峰時郭老  
石泉冷仙姑幽洞奇醉眠得高韻短卷留清詩  
吾生各南北死者無還期安知今日歡不係他  
年思

除夜

淒淒歲云暮朔雪凌空飛飄風入戶牖策策吹  
寒衣危絃絕清響稚子渾啼飢青萍豈不貴世



事多心違千里馬易得伯樂今幾希嗟哉抱貞  
 人靜坐理容輝脂垢不復事敢謂膏梁肥白日  
 如車輪去去何時歸願言託彼鳥郁郁鳴朝暉

宿松法林

秋江動征旆獻策黃金門驅車復南去日暮投  
 荒村朔風吹草莽積雪明高垣野人性真率相  
 見如弟昆殷勤具雞黍次第出兒孫寒蔬摘小  
 圃濁酒傾陶尊自謂禮數朴轉覺風俗渾緬惟  
 昔通籍優渥承 主恩江湖動十載往返何頻

煩風塵變華髮白日似轉轅感茲野人意萬事  
 俱忘言

直沽道中

值此苦寒月曠野多飄霜村居且寥落遊子路  
 何長白日倏已晚歸鳥必雙翔物情各有適我  
 行殊未央涼颺起沙漠玉露沾衣裳張燈入野  
 店繫馬園邊楊愀然動蕭瑟旋廼舒中腸懸弧  
 挾兩矢壯志在四方棲身一宇宙豈必論他鄉

報國寺與鄭磁江別



出郭臨初夏駐馬當夕陽高槐轉疎影虛閣生  
 微涼故人有鄭谷追餞來禪堂置酒芳臺上仰  
 見新月光長照萬里別明發各一方羨君重交  
 誼金玉無相忘勵我加餐飯勉我慎衣裳獨勞  
 在行役靖邊策宜良謀身豈足尚所貴俾時康

安肅縣蒲盧亭獨坐

經時苦不雨竟日揚沙塵朱炎五月熾且復驅  
 王程偶來虛亭下倏然遠世情蕭蕭動蒲葦颯  
 颯聞秋聲輕颺襲人至獨鳥向我鳴槐蔭滿空  
 階月影浮高城夜涼暑應薄坐久心逾清此夕  
 聊自適百慮何所營

望太行山

遙瞻太行路山勢若有窮路回山亦轉盤礴何  
 其雄我行已云遠日與茲山逢平厓截天末峭  
 壁攢雲中蜿蜒難具數回合那可同或奔如萬  
 馬或亘如孤虹或立如蹲獸或翔如飛鴻或露  
 如劔戟或隱如旃幟或清如玉女或怪如仙翁  
 或伏如敗將或起如乘驄或如正冠佩次第朝



王公或如拱圭璧肅穆臨尊崇或雨滴空翠或  
日浮輕紅嶽峯抱秦晉峯律俯崆峒偉矣神明  
力壯哉造化功下有金光草上有蓬萊宮安得  
九節杖拄入煙霞叢丹砂駐華髮玉液還青童  
飄然隘宇宙一覽開鴻濛

河池亭上對竹

小亭頗虛敞石竹三五竿輕颺颯然至瀟瀟秋  
雨寒相逢若舊侶對此真忘餐况當行役倦獨  
得臨風看盤桓坐將晚月色下雲端清影散玉

碧新涼襲衣單軒昂上霄漢憂擊披闌干旋泄  
露華溥忽覺佩聲珊我懷耿不寐秉燭夜已闌  
明時有鳳鳥愛爾青琅玕

瞻華嶽

豈無佳山水長自憶關中入關忽瀟灑太華何  
其雄始至詫獨異諦觀安可窮諸峰互羅列蓮  
花迥尊崇陰陽變昏曉日月懸西東仙掌挂丹  
壁玉女臨瑤空想像金銀闕內有神人宮修真  
吸珠露煉藥供青童飄飄乘鶴馭颯颯來天風



歷代詩選 明嘉靖 卷之三 五  
三言十三  
倏然振羽翰一拉希夷翁

苦熱對華峰

華峰峙天末六月飛雪寒  
羈棲苦炎熱何由陟  
其端看山意不淺遊子行  
獨難逍遙青柯谷悵  
望紫金丹倘逢廣成子  
白日生羽翰仙掌翠欲  
滴明霞高可餐超然覽物象  
雙躍如跳丸

同漳源侍御遊華不注峰并泛大明湖

平居慕幽曠雅懷避煩囂  
林園苟成趣亦足供  
逍遙况茲出東郭雲物如  
相招羣山秀孌娜華

峰特宕堯開筵坐琳宇  
浩歌凌紫霄朋情藉軒  
豁客思飀飄颯言泛蓮  
沼復爾移蘭橈窈窕  
遵玄浦逶迤渡危橋  
菰蒲水清淺石竹風蕭條  
擎荷玉笋潤采菱碧波搖  
槐陰宿鳥下藻動潛  
鱗跳何緣對淑景且幸  
聯高標因探歷城勝并  
采康衢謠念予拙紀述  
願君報瓊瑤

除夕

浮世重壯年恒情每嗤老  
少時罔自量謂顏長  
美好歲以百爲期及茲亦  
云早路逢白頭翁念



歷代詩選 卷之六 六  
爾何枯槁赤日如車輪去去嗟遠道倏然華髮  
生憶昔傷懷抱此夜安可留芳尊且傾倒秉燭  
坐不眠一刻良爲寶

其二  
幽棲慕遠遊久客懷故鄉人情固如此我豈違  
其常憶年二十五射策登明光抱疴暫養晦三  
十懸銅章自茲入瑣闥十載爲夕郎遐思在吉  
甫補袞慚無方棘卿事平反奉使馳莊浪蘭臺  
亦忝竊建節東山旁提兵復五嶺邈矣居炎荒

歷歷在行旅歲月徒自忙椒盤對今夕翹首瞻  
高堂

春暮擬遊西園阻雨因移席舟中偶作呈

同遊馮桂山員外

新春不出遊謂春駐宜久白日行青天韶華去  
如走今我惜春歸尋幽拉良友石澗漱餘芳鳴  
禽聽高柳雖無奄李顏松筠自林藪天意那可  
期昨晴今日不行止倏推遷世事何紛糾理棹  
駕長江清流照蓬牖捲簾入西山春色座中有



豈必陟層岡滿目盈瓊玖况復滋土膏農事興  
南畝阻雨君勿嗔鼓腹欣田叟車馬餘餘野

清苑曉發

夜靜涼氣柔早發露華薄草屋暝篝燈石城候  
扁鑰雙旆懸曙煙五馬紛東郭拂幔星河搖吹  
角梅花落旗翻宿鳥驚藻動游鱗躍玄浦乍鳴  
撓戍樓餘擊柝靄淨林扉開雲去山峰削朝暾  
吐崦嵫輕颺蕩簾幕夾道綠楊垂照水紅蕖灼  
龍劔光欲浮胡笳聲屢作沙嶼轉逶迤村居逖

聯絡行路誠獨難觸物固可樂無勞歌遠征聊  
用慰羈泊

中山早行

客夢長不成雞聲起偏早既無夜寐安寧似晨  
興好銀河澹欲沈朱炎寂猶掃羣動屏囂囂一  
氣殷灑灑搖旆指秦關駕車歷周道古塔振風  
鈴中山露瓊島頻聞笳鼓鳴漸見柴桑杲遠嶼  
帶平蕪高槐護芳草對此忘驅馳翻以舒懷抱  
徑轉揚沙塵田礲積枯槁此日復螟螣昔年仍



歷代詩選 明嘉靖年洲 卷三十一 二百六十七  
水滂處處避征徭村村事祈禱翹首望雲霓愁  
來怒如擣

希夷硤

吾聞希夷翁平生事高潔栖身戀華峰適意卧  
山穴磊落飫丹砂逍遙吸松雪游神八極周御  
氣九垓絕至道已仙成逸蹤倏蟬蛻古廟儼令  
儀危峽立積鐵朽匣覆香羅遺骸燦玉屑吁嗟  
誠杳茫珍重恐慢藝寶鼎今寂寥瓊花豈漫滅  
紛紛學長年誰能通秘訣

遊華山再述

夙負四方志長思五嶽遊及茲愜素尚遂爾成  
淹留虛堂對絕巘巨壑灑寒流洞深赤日晚木  
落青山秋雲物散復歛樵歌行且休羣峰如可  
數一覽那能周徑迴忽疎曠石逼仍偃僂蒼茫  
礙河漢參錯橫丰牛倚松癸孤嘯弭管聆清謳  
鎬京草方媚阿房煙正浮何處未央殿不見昭  
陵丘王風亦靡靡霸氣空悠悠黃金有時盡白  
骨無人收飄飄憶千載感歎翻百憂勸君飲美



歷代詩選 明齋半洲 九  
酒萬事將焉求

舞劍歌贈何時英

何生策馬今欲行入門寶劍腰間橫金尊倒盡  
拔劍起左揮右霍風雷生自言少年去學劍設  
心便擬氛塵清神呵鬼護出霜刃世間萬事誰  
不平寧知造物妬靈怪沈光鏃彩江南城吁嗟  
此劍來昆吾歐冶已徂今應無請君貴重莫輕  
沽東將禦寇西擊胡

妙峰行贈鄭毅甫之衡州戎幕

妙峰西控三山雄君家峰北我峰東參差竹樹  
每相過洪塘放棹時能同舞劍當筵迴落日少  
年壯氣真如虹那知赤驥垂兩耳鹽車久頓塵  
泥中過都歷塊不得意翻蹄宰尾還嘶風北斗  
城邊忽携手衡山攬轡何匆匆萬頃蒼波洞庭  
暝岳陽樓映江花紅幕府叅謀擁賓從要令暮  
夜母與戎買犢春田肅蠻洞寧須介子稱奇功  
請君把劍頻拂拭寒光夜照星河中

潮陽歌贈丘定齋太守之任



潮陽去京八千里雄藩久擅東南美芙蓉秀列  
羅浮峰蛟螭夜簸滄溟水城上梧桐鸞鳳棲谿  
中風雨鱷魚徙鄒魯俄驚落海涯文章燦燦從  
茲始刺史誰稱絕代豪異蹟芳名韓與李嶂霧  
嵐煙何足論古來爲政惟人耳九重宵旰念遐  
方網羅忽得定齋子壯年仗劔寒斗牛萬斛胸  
襟藏錦綺縱吟一似宮商鳴高談頓覺雲雷起  
赤驥黃鐘迥不侔補袞調羹衆所擬只今借寇  
君莫疑聖主勤民意如此東山雅抱蒼生懷

便向龍樓着金紫五馬爭看白晝迴霞觴彩服  
親顏喜引領長懸乳哺心驅車早入黃堂裏桑  
麻祇合森林丘督責寧須及脂髓試尋韓李舊  
時盟餘韻流風母乃是殷勤把贈雙明珠白首  
相期吾與爾

邯鄲道中謁呂翁祠

盧生昔日逢呂翁青駒短褐嗟困窮黃梁未熟  
一枕覺世間萬事隨轉蓬君不見邯鄲歌舞妙  
且工酒酣擊筑何其雄陌上蕭條盡禾黍相傳



向是明光宮又不見平原意氣真如虹指揮叱  
咤奔王公荒草飛沙沒古塚斜陽斷碣悲秋風  
人生擾擾百歲內翻雲覆雨空匆匆自昔豪華  
亦夢幻鶴樓鐵笛誰能同

登回山王母宮

回山山頭王母宮古槐老柏盤青葱周王逸駿  
去不返翠華想像瑤池空開花結實八千載雲  
間爛熳蟠桃紅侍臣曼倩識青鳥鶴驂鳳駕甘  
泉中當時漢武遇仙蹕胡爲尚爾棲樊籠蕭條

百代弔往跡瓊樓貝闕生秋風憑厓高眺日西  
夕紫霞天際橫孤鴻

七夕

今夕何夕秋月光明星耿耿遙相望波浪長年  
隔銀漢風雲此夜渡河梁天上佳期曠難曉人  
間乞巧紛自忙草鳥布袍憶太古錦衣繡帶誇  
紅粧誰爲凌空語神女等閑莫織羅襦裳

咸陽謁周文王武王陵有感

文武由來幾千載園陵鬱鬱南山對祀典頻年



石榻開神功聖德昭如在秦時寢殿空峩峩極  
 目蕭條青草多漢代諸陵誰復辨離離禾黍秋  
 風過自昔豪華盡黃土旂常獨重周文武伯氣  
 雄圖久寂寥丕承丕顯垂終古炎天使節走紅  
 塵展拜焚香輪寸誠落日傷心數丘隴東流清  
 渭只無情

入朝

五雲瞻日表萬國覲 天顏曉下金門漏晨趨  
 玉笋班鴉聲起宮樹仙仗隔塵寰短策懷孤志

飄蕭兩鬢斑

武清公署

退食坐虛堂霜林落葉黃寒聲滿高樹暮色薄  
 迴廊正想羅干羽徒煩閱驪驪居安有衣袂干  
 古仰垂裳

玉田晚宿

雪晴風轉急天晚氣逾寒野曠人煙少岐多客  
 路難白龍橫古渡玉樹拂征鞍迢遞山城小停  
 驂夜已闌



次劉平嵩連窩道中韻

晚風吹落日極浦渺歸舟宿鳥盤雲下寒江涌  
月流旅懷聊對酒病骨易驚秋隔岬人家靜孤  
吟夜正悠

巳丑陪祀南郊

歲序南郊重齋居北闕虔金輿下霄漢寶篆裊  
雲煙肅穆千官靜歡呼萬姓傳天風引仙樂清  
切最堪憐  
庚辰孟夏入妙峰待方岩未至

相期梅雨後重入妙峰山遊子來何暮幽人坐  
已闌烏聲蒼樹裏僧語白雲間草閣紅塵迥應  
先半日閒

簡茂真兄見過小敘

一別動經年魚書亦杳然欲將懸榻下猶憶對  
床眠濁酒無兼味空齋有短篇東岡還赴約晤  
語草堂前

遊都閩四宜亭

可愛東明子幽園構草亭層山深作洞編檜細



歷代詩選 明蔡半洲  
爲屏水落荷花淨天寒竹葉青不妨拚醉去身  
外卽浮萍

爲申戶部題赤壁小圖

木落秋天迥江空白露多興隨舟共遠夢有鶴  
來過橫槩渾塵土危巢亦薜蘿只餘山月在猶  
自浸寒波

江涇夜泊

遠村懸暮靄古樹動淒風萬事形骸外孤舟煙  
雨中汀花侵岸白野燒隔江紅篙師解人意暫

爾落孤蓬

九日對菊

愛爾漸成癖移我近竹扉節仍今日是花已去  
年非色向秋霜老香從曉露微幽姿撩俗况相  
對自依依

遊慕松沈子園亭

客多乘輿者主有慕松賢洗竹荷亭畔看魚水  
檻前山童歌窈窕野鶴舞蹁躚去馬柴扉外松  
林隔暮煙



舟阻瓜洲移居熊四園亭

江上孤舟阻移居得舊家層山叢怪石遶徑植  
名花亭古青蘿合樓高白日斜旅懷饒野况不  
覺在天涯

少谷深入武夷九曲日肝不得食因抱病  
崇安書來以文槁相託隨放舟南下抵  
家之次日而終焉或者不能無憾于山  
水之癖因賦一首

久抱煙霞志空懷廊廟憂山中餘破屋海內失

名流諫獵存高節垂堂略遠謀遙憐小兒女惻  
惻不勝愁

山後曉起

曉起逼秋思推篷向渺茫浮煙分曙色細雨暝  
江光露重蘼蕪歇風高鶴鵲忙沙頭晴弄影矯  
首望扶桑

感事

獨旅南來日孤舟北去時寒聲隨過雁雪意薄  
疎枝淡泊從吾好羈縲動客思側聞秋已稔喜



歷代詩選  
得慰民飢

商村

落日長荒店披星出樹林時當冬至候客抱歲  
寒心雪壓關河白雲連海岱陰凄風仍滿袖不  
厭酒頻斟  
山到富春好水來嚴瀨清高深自成性耕釣本  
無情只合從容訪空勞諫議名南陽今寂莫臺  
石尚崢嶸

石塘夜泊

微月波心出涼風林際生歸舟下遠浦短笛起  
孤城犬吠柴門迥山空鬼火明珠方仍獨旅不  
耐故鄉情  
宿劉秋官草堂

行客有長劒棲身無草堂宿投風雪夜坐愛水  
雲鄉門只高松翠庭多落葉黃何時還別墅小  
艇泛滄浪

題素菴上人卷

歷代詩選

月夜

三集卷四十七

七

丙



釋子慕空寂小築庄廬山意隨流水靜心與白  
雲閒吟對野梅破坐看沙鳥還虎溪清嘯處明  
月下滄灣

渡江

風平江自寂波靜鳥如閒一棹湖頭去孤雲天  
際還寒山晴倒影淺渚細通灣爲問荆門路王  
程幾日間

與丹崖劉憲副遊赤壁

吾愛此江好與君今始遊潛蛟舞幽壑斷岬帶

滄洲藻密依金鯉沙寒起白鷗夕陽天際薄洗  
觥更相酬

其二

山亭坐不愜把手上蘭橈錦纜微風引霜天落  
葉飄漁人紛舉網客子並吹簫一鶴橫空去孤  
鳴那可招

登岳陽樓

岳陽樓上望今到洞庭邊水遠如無地波涵獨  
有天滄茫凌渤海倏忽異風煙却愛君山樹青



青滿目前

其二

歲暮猶為客天寒獨上樓  
風煙湖影淡日霽水光浮  
屈子丹心苦湘妃翠黛愁  
登臨為幽賞翻使淚雙流

除夕

無數良宵邁人情似不知  
何緣今夕酒偏憶少年時  
鼓角江城動椒花客館遲  
五更瞻北斗玉佩滿彤墀

洲泊

深夜淹長路孤舟傍小汀  
月籠沙共白山帶樹偏青  
人語隔村杳客愁隨夢醒  
雞聲起偏早款乃霧冥冥

奉懷少華許中丞

少華經歲別索莫歎離羣  
遙想論心地那知隔暮雲  
羽書河外急羌笛隴頭聞  
迢遞關山月淒涼轉憶君

望衛武公祠



不見淇園竹空餘衛武碑青山還故國碧草自  
新堤有斐懷君子無荒憶令儀啼鶯亦何意長  
繞傍祠枝

覃懷驛次王仲德給舍韻

白日斜侵閣黃河曲抱城沙虛留月色風急亂  
灘聲古堞悲笳動高槐宿鳥鳴誰能禁客思况  
有玉關情

過魏王城

魏甸今何處危城有故丘邛山猶北峙洛水自

東流野曠寒煙暝天低遠樹浮王風委蔓草吾  
獨慨西周

潼關卽事

秦地誇天府潼關號鐵城危峰連鳥沒飛堞與  
雲平夾岍翻波浪緣厓度旆旌重門猶設險何  
處是咸京

華州秋日再晤南石

木落少華晚天空明月浮殊方難會面遠客易  
驚秋已惜三年別還爲萬里遊虛堂對尊酒去



住兩悠悠

秋夕對月

山月團如鏡中宵轉更明天青秋萬籟露白夜  
三更影浸西秦樹光連北斗城涼颼何處起蕭  
颯送砧聲

少華夕望

山勢連西嶽嵐光擁少華晴天開菡萏落日帶  
煙霞倒影斜侵渭飛流曲遶沙遙瞻丹洞裏秋  
草半仙葩

登乾陵

獨到乾陵上岡巒壯帝圖洞門餘石馬寢殿集  
林烏玉井妖魂杳青山穢德汚危碑空百尺無  
復奠生芻

永壽縣山堂獨坐

佳節重陽近悠然坐草堂每看胡雁白不見菊  
花黃短笛秋偏切清砧夜轉忙故鄉今萬里猶  
擬過莊浪

邠州對菊同响嘯給舍飲



不意重陽節相從到古幽似知行役倦故遣菊  
花新莫惜尊前醉俱為隴外人明年當此日回  
首憶三秦

張漳源侍御邀遊臯蘭山五泉寺

駐馬臨邊徼開筵向上方岩深蒼蘚合塞遠紫  
雲長晚角喧林鳥春河渡野航殊鄉難會商回  
首憶禪堂

金城閱武

天險金城固雲屯鐵騎雄材官譜上策壯士競

邊功野曠風生幕春寒雪滿弓  
塞旗青海外含  
笑陋和戎

中秋對月

月向清秋好光于良夜多  
忽為河上別還在客  
中過撫劔心猶壯驚時髮已  
皤欲凌霄漢上把  
酒問如何

其二

碧海金波湧瑤光玉兔明  
誰知今夜月偏照故  
鄉情鼓角秋逾切風雲晚自  
輕中宵瞻北斗遙



憶鳳皇城

宿靈巖寺

忽到山佳處懸厓抱夕陰  
石橋橫玉竦梵宇控  
珠林鳥下雲間語僧明塵外心  
空階霜葉晚笙  
磬渺清音

其二

行邁驅塵鞅幽棲愜寺門  
甘泉浮石髓古洞吐  
雲根木落千峰淨風迴萬壑喧  
天雞啼夜半帶  
月過前村

冬入姚園

獨客天涯歲暮時祇緣避俗入東籬  
烏馴野叟  
飛應近花問園丁名始知無數棠梨寒自落幾  
根篁竹晚偏宜山童未解尋幽興不放頻頻酒  
滿卮

出郭

紅塵策馬日驅馳出郭飄然慰所期  
暫謝冠袍  
身似隱閒尋詩句鳥先知寒蟬漫傷秋風噪孤  
鶯遙隨落日移翹首七陵何處是黃雲朵朵護



山脊

對野菊

手栽野菊近茅堂漫爾開花無數香對汝令人  
 傷節序念予猶自寄他方夜深月白真同調秋  
 到天寒却不妨莫訝託根殊草木祗緣素質冒  
 風霜

畚方棠陵見寄

憶昔龍淵百尺樓為題詩滿雪中舟君曾兩過  
 堂猶在客不重來事已休吟到沅湘還獨弔夢

回江海亦同遊西湖石壁藤蘿外萬頃滄波接  
 素秋

送陳給事奉使琉球

乘槎南去渡銀河麟服光懸白玉珂瓊島遙瞻  
 天使下殊邦欣沐聖恩多兩階干羽誇方盛  
 中夏威儀喜再過重譯即看來萬國只今東海  
 不揚波

黃田黃田

已駕洪塘五日船猶牽錦纜越江邊樹聲兩听



風初動月色一川人正眠  
點點夜光依綠草茫  
茫春水漫黃田旅愁坐對孤燈影  
何處漁郎又扣舷

中夏雲居寺再賦重葺僧寮春來萬國只今東  
旅懷搖落對秋容愛爾雲居萬壑松  
嬌鳥避人還入樹老僧迎客自鳴鐘  
晴嵐倒浸西湖水夕照遙棲天柱峰  
幽澗叢蘭堪作佩小臣應采上神農

湖南寺

松桂森森護小堂幽襟對此自徜徉  
黃開野菜曛晴日白破江梅訝曉霜  
春水到門便釣艇斷雲隨客入僧房  
獨憐芳草萋萋地樓閣當年亦上方

秋江晚望

沙頭雲樹鬱依依晚稻炊香紫蟹肥  
露白秋江鷗一夢月明寒渚雁雙歸  
篷窗剪燭孤彈劍草屋禁風靜掩扉  
滄海十年空短髮青山未返薜蘿衣



河西夜泊

木落風淒野色昏樓船鼉鼓到柴門漁收晚釣  
弄煙火農罷秋田携子孫自笑一官淹日月側  
聞多事滿乾坤何人擺脫樊籠日雲外飛鴻海  
上鯤

都下畱別陳浴江

陌上紅塵點客衣一杯空館對晴暉乾坤多事  
寸心折歲月不知雙鬢非曉路驅車南國遠寒  
江回首北雲飛朝來卽擬春明別那復論文共

帝畿

天津橋望

荒城黯黯野煙浮歲暮那堪獨上樓萬里寒雲  
迷遠島一天涼月照孤舟浮蹤何事長爲客短  
夢無端不到周誰向西風吹晚角梅花亂落使  
人愁

過錢塘

六載錢塘江上歸朔風飄颻雨霏微歲寒猶與  
客心共鄉路無多人語非萬疊潮頭隨去鷁兩



厓山色上征衣驅馳歲月空雙鬢慚愧滄波白  
鳥飛

宿武陽

疋馬栖栖來武陽入門蕭颯只空堂幾間草屋  
殘兵後無數飢鳥落木傷樓塌祗堪巢燕雀山  
深誰復問豺狼皇華正是觀風地對此令人轉  
自傷

東林寺

我愛東林今始過千年飛錫已蹉跎廬峰積翠

猶如此慧遠傳心近若何雲滿虎溪空笑語月  
明蓮社只藤蘿尋幽賴有山僧在指點峰巒處  
處過

次夏桂洲給事象麓草堂用杜韻

門前波靜水鷗迴山下煙消石屋開竹色娟娟  
團野合泉聲濺濺隔窗來杖藜靜看雲歸洞携  
榼時邀客上臺世路風塵頻北望衝寒戎馬正  
堪哀

鷺湖道中



鴛湖山下春可憐野梅含雨柳生煙遊絲細細  
駐林杪獨鷺悠悠飛水田物候催人如過客朔  
雲回首忽經年征衣尚拂紅塵路悵望鄉關落  
照邊

題戴氏雙湖草堂

越上新開半畝堂小舟乘興泝滄茫魚吹白浪  
湖心出雨濕紅蕖水面香靜有蛟龍眠日月時  
多鷓鴣對鴛鴦葛巾野服隨疎放肯與憐翁索  
酒嘗

與錢石川遊虎丘席上限韻

竹樓新構我初遊門俯東吳萬里流小徑落殘  
黃葉暮洞簫吹散碧梧秋江頭去鷓猶堪繫雲  
外冥鴻不可求暫把幽襟付林壑不妨終日共  
沙鷗

燕臺

燕王本意築金臺祇謂能收濟世才何事荆軻  
終遠去空憐樂毅不歸來平沙古嶂河山在落  
日鳴琴草木哀三輔雲晴瞻北極九重宮闕自



大開

新樂曉渡

曉箭初催五夜壺  
渡河人語鳥驚呼  
荒村帶月半明晦  
遠樹含雲乍有無  
立馬獨看雙劍淨  
隔林遙愛一峰孤  
玉關萬里將符節  
此日天聲已到胡

同岫嘯祝給舍登龍興寺閣

龍興高閣倚空浮  
晚日平臨最上頭  
漢代雲山今北向  
滹沱河水自東流  
曇花遠度諸天界  
宮

樹晴開五鳳樓  
仙掌憶同青瑣闥  
玉關還得並清遊

奉酬少華邀遊龍興寺閣臨別

遙持玉節下涼州  
西望關河萬里秋  
惟有故人憐我別  
不妨終日為君留  
芳隣轉憶他年夢  
異域應思此地遊  
回首相逢更何處  
即看鳴珮鳳池頭

邯鄲城寄胡雙洲太守

常山太守胡雙洲  
黃金皂蓋橫清秋  
芳尊夜對



歷代詩選 明蔡半州  
樓遲客祖席曉傷滹沱流十年意氣爾舊侶萬  
里風沙吾遠遊邯鄲城頭月色白獨坐相憶江  
雲浮

百泉亭

芳草深連小徑迴危亭清俯碧塘隈窗虛轉覺  
青山近機息何妨白鳥來野樹棲雲林影動石  
門懸日暮煙開登高我亦長舒嘯萬壑松風處  
士臺

清化村卽事

日日風塵拂去驂偶逢花鳥亦江南灌畦碧水  
分幽澗遶屋青山帶夕嵐乘興欲憑芳草坐停  
車聊與老農談雲晴更看孤峰出幾樹蟬聲月  
滿潭

孟縣道中

風吹細草潤平沙路入河陽近水涯高浪片帆  
孤客艇小山叢桂幾人家野田索寞生秋草井  
邑蕭條起暮鴉何處更逢潘岳令滿城奄李盡  
開花



華清宮

華清池館曙煙寒浴罷山泉獨永歎惟有雨肥  
春苜蓿更無人倚玉闌干胡來漫恃潼關險輦  
去方知蜀道難凝碧歌鐘俱寂寞馬嵬秋草自  
凋殘

平涼送劉堯臣年兄任廣東藩伯

長安相見轉相親忽報丹書下 紫宸萬里旌  
旗瞻五嶺十年風節重三秦薇垣晝靜嵐光滿  
瓊島潮生海氣新塞北為君籌驛路鷺湖山色

近南閩

蘭河曉渡

月落金城鼓角殘危關曙色拂雕鞍黃河渺渺  
中原隔紫塞迢迢邊地寒西望旌旗連瀚海東  
來風雪滿臯蘭萍蹤萬里休惆悵虎節龍沙亦  
壯觀

竇惟遠憲副贈刀寄謝

故人贈我寶藏刀醉來把視偏雄豪流星耿耿  
拂雲漢白雪皎皎明秋毫陰風慘淡颺颺泣鯨



歷代詩選 明嘉牛洲  
波簸蕩蛟龍號神物在我合變化世間萬事真  
鴻毛

喜雪

玄陰天際擁同雲浙瀝寒聲入夜聞野外忽迷  
青草色沙頭應失白鷗羣飄飄掛樹瓊花落點  
點沾衣玉屑紛共說有年今可卜不妨沽酒醉  
斜曛

院中蒲萄新熟贈漳源侍御

月支移種自何年引蔓春陰小院前  
湛露滾滾

垂玉乳輕風裊裊類珠鈿漸看紫黛秋初潤却  
愛瓊漿曉更鮮細摘筠籠浮萬顆嘗新還願使  
君先

興慶九日登梧月山亭

梧亭栖霞鬱蒼蒼兩度登高歎異鄉雲物每隨  
時節換年華空逐羽書忙杯觴且共揮清書鼓  
角何堪起夕陽却怪邊城秋色澹尊前未放菊  
斃黃

辛丑元宵柳松崖總戎宅上玩燈



帥府元宵幾度過南征今喜罷干戈倒懸星斗  
 銀燈爛粧點韶華錦瑟多愛國獨祈年大有封  
 章誰問夜如何八荒願與同熙皞不用頻頻奏  
 凱歌

其二

與君除夕對椒花忽復今宵戀月華雙鬢似應  
 知歲改一官猶自寄天涯沈沈玉漏饒春酌隱  
 隱山城起暮笳銀燭欲燒高百丈清輝分照野  
 人家

九日同松厓柳總戎桐岡馮柱史登雷陽

天寧寺一覽亭

滄溟淼淼擬乘槎自笑浮生未有涯五嶺頻年  
 馳使節一竿何日傍漁家光輝幸挹中臺彥瀟  
 灑曾看上苑花佳節不妨栖海嶠萬山秋色帶  
 煙霞

壬寅午日同柳總戎觀競渡

東郊忽復遇端陽簫鼓中流駕綵航尊酒去年  
 同此地華筵今日尚殊方煙波迸赴三江會士



女羣紉百草香時俗但誇爲樂事豈知遺恨滿  
瀟湘

又

內苑西頭太液池昭和涵碧靜漣漪橋橫玉竦  
飛龍舸隊簇宮粧夾御堤侍從幾年違禁籞遭  
逢萬里荷恩私皇遊此日移仙仗想像雲霄  
似昔時

憶沙村一首呈一泉員外

江上何人早息機繫龍洲畔築漁磯未逢黃石

與來往且伴白雲無是非沙虛夜靜坐留月山  
暖春深行采薇幽意自堪銷客慮琴尊時擬扣  
荆扉

問訊石東橋太守

何事春來靜閉閑捲簾時復看青山高眠不覺  
三竿日投老無過一珠閒城外野田堪種秫庭  
前蘭玉足怡顏鼎中龍虎今何似玄牝誰知是  
大還

玉山公館卽事



歷代詩選  
夜來風不生落葉一何早出門望孤松翠色猶  
自好

百五

小景雜咏

水平江影靜風細樹聲清坐久幽襟愜空山待  
月明

秋葉

蕭颯庭前樹落葉飛無數遠客不堪聞閉門驚

秋雨

塞上曲

每歲防秋西戍邊荒城落日枕戈眠祈連山上  
朝朝雪不識鶯花二月天

昔年又

閨人空自寄寒衣路阻関山到却稀聞道胡雛  
猶近塞不知何日是東歸

贈鄭次山守嘉禾

陌頭楊柳綠藍參相送臨岐酒半酣獨贈一枝  
君識不欲將春意到江南

古溪

歷代詩選

月夜半州

三集卷世七

七



陌上紅塵水面風浮生萍跡自西東雲歸鳥宿  
山村暮人在孤舟月在篷

不寐

楊柳村頭風雪深五更無睡擁寒衾  
閑山南去八千里遠徧天涯客子心

天津感事

昔年風雪阻清源獵騎翩翩下柳村  
獨上河橋回首望竹籬零落半黃昏

荒村

一鞭霜騎向天津敗葦殘槐滿水濱  
日暮荒村歸鳥盡相逢惟是異鄉人

周西野小畫

縹緲蒼煙落日遲萬山迴疊樹披離  
野翁避世渾無事坐看峰頭雲起時

題野雲上人卷

水龍吐氣山出雲秋風吹與白鷗羣  
天空野曠自來徃江花徑草空續紛

中宵聞角



歷代詩選 卷之三  
深院中宵聞角聲攬衣危坐旅魂驚由來不是  
江南地城上橫吹直到明

小前月下聞笳雲外風吹與白雲草天空  
戍樓笳鼓晚來多獨坐空庭月影過莫向今宵  
動愁思秋風吹去滿西河

旅意

等閑休便歎離居迢遞關山萬里餘  
羌笛不堪吹夜月塞鴻那得寄家書

一 望漢光武陵

光武山陵到北邙暮雲黯黯柏蒼蒼  
危碑不動荆綦裏羽士長看寢殿傷

嶠函

嶠函山路繞羊腸萬里秦中自帝王  
金馬門高誰得見一時烽火徧咸陽

陝州雜咏

一望函山掛女蘿上連青嶂下黃河  
王孫高塚眼中少估客歸帆日暮多

聞砧二首



藜燈山館坐清宵  
雙杵孤砧藉月敲  
朔雪未凋關塞柳  
秋風先到洛陽橋

月下誰家擣練聲  
寒衣長繫玉關情  
蕭條我亦河西去  
白草黃沙隔渭城

聞雁

駐馬郵亭暮色催  
滿山霜月却飛來  
一聲獨叫孤雲外  
客思無端夜幾回

青家驛夜聞邊聲

驛樓花角動山城  
獨向清宵對月明  
萬里客愁

誰爲遣不堪猶聽斷腸聲

早梅

無數山梅一樣栽  
窗前獨樹却先開  
東君此意誰能識  
五嶺春從督府回

晚梅

盆梅何事故開遲  
爲惜寒香豈後時  
不見嶺頭花滿樹  
夜來風雨半淒其

元宵柳松厓總戎席上偶成

碧霄雲靜吐冰盤  
玉燭銀缸對夜闌  
茅屋竹爐



歷代詩選 明嘉靖 卷之二十七  
吹不焰願分清影照春寒

題扇面

漠漠煙光春滿林  
携童遙赴碧山岑  
揮鞭不踏紅塵路  
長在青松白石陰

知微

石倉十二代詩選 三集卷之三十七 終

石倉十二代詩選

筆峰存稿

大明

莆田王鳳靈著  
後學曹學佺閱

別鄭子啓範之上海

古道何悠悠行人亦瀟瀟  
客子復南征中夜戒行李  
人生無羽翼安得日千里  
車輪恨不方馬足一何駛  
倏忽塵濛濛豈忍空佇企  
况茲伏衾枕郊亭不可履  
側聞車馬鳴惆悵何能已  
起步環中庭長風日暮起  
恍有鞞鞞聲送入離人耳



子有蒼龍劍芒鋤何烈烈把拂秋風前羣峰隨  
指撥丈夫志有期豈為徒然別鳳皇巢高枝鷦  
明食其潔吳松繁華地錦瑟恣森列素絲獨冲  
冲無使緇塵涅人亦

送方思道山東讞獄

晨興出青門萬里秋聲起聞之忽惆悵瞻此遠  
遊子曾道何蕩蕩東山亦礧礧啓居靡所遑哀  
矜體聖理胥漸豈惟民得情且勿喜畢事早歸

來為君賦揚水

送曾景珍次韻

故國有嘉竹來日委榛荆滄波日夕流誰復濯  
清纓作客殊無賴逢秋更有情薊門逢魯子肝  
膽向人傾光世有遺策豈不足干城風塵塞天  
地孤劍為誰明慷慨還山去相羊終其生望之  
不可見孤鴻雲外鳴

送客南歸分韻得作字

我有芰荷衣山中舊時作一為幽燕客風塵長



漠漠三襲在巾笥冠帶就束縛君歸塵正清君  
去衣無薄願言持似君清風動巖壑

部檄往桃源索鏹于河因得省民試士聊

短述

楚人失操舟楚貢委中流余其問水濱誰能爲  
國謀觀風信行邁踏月臨淮洲月高天宇空野  
濶風颭颭長淮渺無涯浩蕩魚龍遊如何江海  
思翻作蒼生憂孤舟坐忘寐漸見銀河收玉露  
湛清曉金波明素秋顧瞻桃園道西北有危樓

驅車信所如老倪紛道周播殖及斯時何如來  
與牟甘澍未卽沛守也職其郵淹畱試言問所  
志各有經濟郵窮居勵明德得志繼前脩古來  
重保民良士更休休何當時雨暘稼穡爲民述  
吾將養賢人寶玉非所求

舟過武城阻風雨作

行行出高唐十里曾未殫野色忽冥冥烈風在  
林端闐然雲氣下雨泡如拋丸我非大舜徒四  
視迷所觀豈不具舟楫中流激危瀾震達玄淵



居恐有蛟龍蟠急傍荒村宿天渝慎莫干荒村  
 四五家柴荆閉流湍人生不出門茅居良自安  
 感我舟中客空歌行路難水氣相憑陵頓覺衣  
 裳單客行善自愛役夫况多寒利濟須天定慎  
 勿使民殘人實正非汎汎

過淳于髡墓

橫議卽喧囂七雄紛若鬪齊有淳于生簧舌時  
 一哢大道詎曾聞談言偶微中哭馬雖已狂蜚  
 禽亦妙諷空樊入楚庭善謔聲彌動千載閱荒

原玄默同爲夢猶存辨士名短碣見新礮不

田家雜興

桐花既已開菜花亦已結戴勝鳴桑間春水流  
 泱泱晨興躬秉耒犁頭試新鐵一區十餘畝及  
 旦猶未輟老妻出行饁筐罌自提挈念我耕作  
 勞肴酒稍陳列未曾拜田賜何能遂飽嚼相對  
 成賓主勸勞同歡悅世無司馬季誰當知糞缺

其二

山谷寡儔侶性情本真一得意恣言笑長吟或



抱膝昨赴親家會衣冠若械柱坐中有一士禮  
數甚詳悉云在仕進途世網更繁密始知軒冕  
羈不似田園佚糯稻幸多收村醪亦芳苾醉卧  
竹林下羲皇見白日至貴合自然吾何憂得失  
中夜睡覺值月出  
閒居愛幽寂寄此竹林下涼意已先秋暝色方  
殘夏能令魂夢清更覺憂心寫中夜忽聞聲天  
風吹野馬起看殘月上容光照屋瓦盡室涵虛  
明孤榻最瀟灑野影映綠紗圖書誰得假不寐

待清旦道心生盈把此景眇難言沈睡何爲者

述懷

進無希世資伏居豈懷寶爲農苦不年代食難  
自好親知促行駕故人飛薦草幡然事遠遊躡  
足長安道長安各有尚名實隨顛倒達人驚世  
故拘士祇枯槁時命自古來焉用憂心搗落落  
青松枝歲寒聊自保

醉歌行送別劉函山

萬事紛紛不適意退食歸來惟盡醉長安酒價



忽倍高俸錢不賞古西費碎郎書名在日乎  
夕開筵羅百壺舉觴白眼橫青漢昨日浮雲今  
在無自云酣樂度長宵宵深何意聞鳴臬爰止  
不知誰之屋寒風慘惻爲氛妖餘音幽窈聽未  
了羣鴉漸噪端門曉出門忽見劉長卿獨駕白  
駒何皎皎云是出刺東南州使我躑躅生煩憂  
相携出祖東門道安得如澠之酒相淹留大雅  
風流久不作惟君放意出寥廓胸中藻鑑自分  
明筆底珠璣常錯落木高風摧理固然况兹搖

落值秋天丈夫一麾何足與但須傾倒別離筵  
君不見盤中紫脂蠟疇昔橫行今安在又不見  
坐上虎皮裯當日負嵎愁殺人世間反覆那可  
數鄙夫何事長辛苦君今對酒莫辭多腰間大  
劔十年磨拔劔舞劔歌酒酣意氣誰能那如此  
霜刃曾未試有時待汝淨妖魔

春雪歌送顧武祥之南

燕京二月猶飛雪蜃氣濛濛化城闕簷前宛轉  
舞回風戶外虛明映微月巡簷倚戶望霏霏寧



知雨化濕人衣六出幾曾驚歲晏五稜今始識  
天機九十春光將及半江湖冰雪知己泮聞君  
欲汎雪中舟雪意離情共凌亂却憶當年王子  
猷山陰孤棹訪交遊握手與君偶相媚何當別  
我忘綢繆海內賢豪應不數東吳文學稱諸顧  
江情海思君莫羈玉色金聲誰不慕南國銓衡  
屬俊才故園春色近三台芳草徧尋麋鹿苑輕  
帆笑指鳳皇臺壯遊汗漫三千里處處楊花如  
雪起儻憶燕京對雪時新詩不惜酬知己

西溪爲方伯徐公賦

浩蕩金波天漢秋西行到地接天流黃河不似  
銀河色別有清溪傍斗牛清溪碧石中流見秋  
色滄茫搖素練桂嶺山高霧樹重牂牁江動魚  
龍變天開霧霽澹微風岼淨沙明處處同澄波  
倒浸梧雲濕遠勢平吞海日紅海客瀛洲那可  
詰靈槎曾訪支機石江海由來有客星成都道  
士翻相斥碯溪漁父故非熊夢獵何期感聖衷  
自入後車稱尚父坐令西土踐王宮清時夢卜



尤非遇徵書數上西溪路扁舟不放五湖遊釣  
竿長掛三洲樹謝安一爲蒼生起澤沛膏流此  
溪水南海潮平二十秋西江浪盡三千里只今  
餘潤到全閩玻璃萬頃滙滄溟棠樹春歸召伯  
舍紫薇香滿越王亭越江派望清溪上神鯤擊  
水三千丈霖雨終收赤漢功溪山莫漫青藜杖

題風雨歸莊圖兼壽槩翁

山人醉入侍御府壁上橫垂畫半古墨色模糊  
筆力枯恍惚山川帶風雨農家茅屋臨清溪長

林落葉聲淒淒漁人牧子覓歸路郊原四望寒  
雲迷大牛沾濕勢駁踏小牛腹餒愁泥滑蓬蒿  
倒斫雞犬鳴網罟初收浦潮發吁嗟畫者誰爲  
此云是清江玉川子八十四歲與未衰千百年  
來名不死君不見王右丞輞川萬古山峻嶒又  
不見鄭廣文金門三絕今猶存人生但得身後  
譽眼前富貴如浮雲今不見侍郎真州槩谷叟  
千鍾祿在心何有到處爲官不愛錢一架圖書  
百壺酒去歲旌旄下蜀中求仙自比淮南公谷



口不通塵世事年躋七十顏如童我期叟壽無  
可擬方之此圖亦已矣

淮陽歌贈李子忠

大梁有豪客飛思入煙霞手持白玉龍高照扶  
桑樹有時呼吸黃河流翻于筆底見東注行歌  
日滿錦囊賤擲地常作金聲賦盛時彬彬美文  
質爾國空同好聲律由來同系謫仙門早歲招  
携優入室名成獨叩天王闈志屈竟淹吏部  
秩十年削迹東海陬漢水吳江滙清泌蛟龍雲

雨騰青霄騏驥風塵走白日雖然拓落困鱗毛  
自覺凡蟲絕儔匹嗟余南海一鄙人度長豈數  
萬分一遨遊偶得間清塵登第尤慚溷高帙同  
聲正自擬填箎永好願言固膠漆人生歡會不  
可常世路多岐轉相失麗日輕颺花色明揚鞭  
驅馬去何疾願君少立淮陽馬知余別淚何從  
灑韓侯睥睨少年兒曾于此地伏其下英雄失  
路絕可憐况乃不爲韓侯者少年少年今若何  
虎兕當郊麟在野吁嗟乎虎兕當郊麟在野



題柯奇純所莊畫菜

柯君一官不受祿幽居頗饜烏山麓千編縹帙  
 盡畱芸十畝名園惟種菽園中日涉恣行吟抽  
 芽迸甲怡心目胡能移置書帷前嗟哉畫史動  
 神速毫端播物亦洪鈞貌出一薺還一菑春日  
 過從探幽事披圖見此顧而復携來挂向筆峰  
 亭使我目中無旨蓄野人故物自相求恍有清  
 芬置余腹淡中滋味誰所知側耳無韶忘食肉  
 即今雨少菜茹稀羨爾孤根生意足霜莖矯矯

謝餘黃風葉幡幡長新綠異時徒羨首陽薇終

朝曷采詩人菜

西漢織錦迴文圖

扶風女兒顏如花十六來嫁竇郎家竇郎得意  
 復年少風流才調常自誇佳人才子兩相向幾  
 回歌舞畫樓上月色頻臨鸚鵡杯雞聲不入流  
 蘇帳雞聲月色如流沂朝夕催人容易度自言  
 白首莫相違不道青春已非故世事由來多翻  
 覆郎情豈信無落莫祗憐金屋貯阿嬌遂使玉



顏嗟命薄已甘薄命處幽篁畫屏獨對冷無光  
最是傷心雙孔雀誰能拊翼野鴛鴦並逐江東  
去回首佳儀悵何許歲歲年年漢水花朝朝暮  
暮巫山雨巫山漢水空依依封書不寄遠人歸  
人情自樂新知好妾心却悔昔時非秦川物色  
明如繡春日開顏忽驚靚花外遊蜂逐並飛庭  
前野爵下雙鬪箇中幽恨共誰論漫將紅巧擬  
天孫綵絲軋軋紛愁緒玉杼交交織淚痕君恩  
已是機中練中道綢繆僅如線妾心好似手上

梭飛去飛來君不見願君白晝早歸來迴籠舞  
鳳爲君裁蘇婦鳴機誠覩爾羊家斷織何爲哉  
祇令望斷襄陽路空將錦字傳情愫綠衣實獲  
古人心黃金不買長門賦生憎錦上盈尺地多  
少欲言不盡意寫出三千長恨詩織成八百相  
思字字字行行動苦吟裴徊宛轉意何深莫訝  
傍人解不得夫君自是妾同心讀罷心詞心轉  
切陽臺從此泣離別亦知紅頰本嬌憐奈此白  
頭相決絕以故移新樂更多夫君割愛竟如何



前心未必真成悔不見他年詠有沱

除夕懷母

何處呼歡震羈人剽獨眠夢回還異域漏盡又

他年世事存爐火春光上燭煙不堪予季恨陟

岷誦殘篇

古人送別山齋少司馬還山

直道曾三仕閒身乞再歸客星隨隱見卿月自

光輝楚國聞歌鳳商山憶采薇秋風日夕競鴻

鵠正高飛

其二

憂勤長悄悄獨立荷明君總有緇衣賦誰為

貝錦文松關還舊隱竹帛已高勳何似終南徑

青山老白雲

送鄭少谷歸鼇峰次韻

渡頭喧欲發谷口遠將歸祖席歌初散東風帆

正飛北來稀伴侶君去失親依明日滄江上煙

波處處違

寄懷朱必東



文峰招隱地曾共索居貧萬里遙相望他山空  
復春郎曹淹日月世路盡風塵正爾思前席何  
年返逐臣

寄鄭澄卿

聞子依山寺柴扃掩綠苔逢人猶按劍避世且  
深杯蘿月窺書幌松風拂釣臺不須愁閔寂維  
哲亦憐才

使歸辱諸公出郭餞送口號爲別

車馬喧東郭衣冠集路衢征人秋色裏把酒意

何如勲業期諸彥風塵愧獨余異時看旅雁望  
爾故人書

飲餞黃道卿東洲山園

東野重遊地鄉關欲別時塵蹤慚倚竹瘦影怯  
臨池石榻披雲屨松門望月遲山靈如有待來  
歲是歸期

次梁學泉吏部徐州舟中夜酌之作

石又江逾勁峰迴日易斜歸鴻迷極浦飛鷺落  
平沙越客同杯酒春光正柳花相看仍意氣行



路莫深嗟  
 奉和鄭司馬遊邵家莊  
 勝景春曾到名園花正冥鶯啼千樹綠鷗下一  
 溪青榻石留金谷簾紗隱翠屏他山知信美吾  
 自憶吾亭外雲嵐外門望  
 東裡出江口有懷  
 過江莆地盡回首望高城城中人不見江外客  
 猶行孤劍平生志雙旌萬里程春風晚來競偏  
 動別離情

裡對山中秋晚

山人歌式微山色故霏霏落日餐黃菊秋雲送  
 白衣幽禽深自語放鶴晚知歸野性原相得貞  
 心誓莫違

除夕

冉冉歲將盡寒燈夜不眠已驚身是客更覺夜  
 為年柏泛千家酒香飄萬井煙自慚無別物相  
 送此新篇

金山寺



愛爾江中立凌流上翠岑波明堪合璧濤湧識  
 浮金兩岫聞人語中天散梵音冷泉餘一勺端  
 可洗塵心千容酥香應萬共歡自爾無礙  
 再刊昭君怨寒風吹不知已滿長風吹及後  
 交河不可渡漸覺漢音稀薄命終何遇和親計  
 亦微魂空胡馬勁眼盡塞鴻飛欲寄思君淚交  
 河水不歸

題扇

野性耽山水幽居寄畫圖松門臨古道草屋闕

秋湖落日征帆遠晴天島嶼孤却笑張司馬風  
 塵憶菜鱸

哭亳州兄訃

忽得南冷報吾兄溘爾亡猶疑傳者誤未放哭  
 聲長淚黯青穹黑魂移白日黃驚思兄去日病  
 勢已膏肓

其二

官衙惟寡弱一僕僅能書寄與同州客傳來  
 到我廬相公真世短死日逼年除身後無長物顏



繇獨請車

同年顏州守惟喬多有所購

其三

淚爲看書收因書淚更流無人當犬事吾友賴  
分憂不掩黔婁被能捐范老舟我生同肉骨翻  
不比交遊

彭城懷古

維舟當落日倚棹對江洲噴壑看飛雪崩厓入  
亂流正思神禹績尚想丈人遊地坼山雲斷城  
孤草樹浮土毛今入夏輿版未歸周猶自開夷

甸何年啓楚州重瞳遺將種一劍赴秦仇戰伐  
何飄迅坑焚重禍尤沐猴思舊國戲馬倚高丘  
虎視非難據騅亡竟不留靈歌中夜動霸氣一  
時收山勢驚將拔江聲哭未休空令千載後臨  
眺思悠悠

庚辰元日入賀

紫殿金扉曙色分寶香玉燎襲春溫驚看天上  
朝元仗轉憶雲中細柳屯兩掖衣冠還萬國四  
家兵衛自重門近來信使全稀少退食茫然愧



賈孫

望金陵

周王銳意事中興  
淮海澄波尚執兢  
莫道中巡淹玉趾  
須知王氣厭金陵  
秉鈞內侍仍分闕  
賜姓將軍盡次乘  
慚負儒臣無寸補  
膚功豈數大中丞

觀海隄

伐鼓迎牲魍未休  
我行荒野豈清遊  
尋芳遠訪馮君蹟  
歎逝還經長者丘  
百里蘭坡今赤岬  
幾

家泉竇尚清流  
失肩養指何年事  
痛哭秋原生暮愁

送人典獄衢州因寄寒谷太守

有客乘舟下浙東  
春遊知不愧飄蓬  
溪花炯炯明晴日  
岬柳依依趁好風  
嚴子灘頭潮正滿  
偃王祠下路仍通  
不須畫地愁爲吏  
郡守風流獄已空

送人之官湖南

渺渺飛旌下冀州  
寒雲淡日雪初收  
他鄉送客



歷代詩選 明王叔原  
傷懷抱南國爲官得壯遊黃鶴樓前聊試劔啼  
猿峽口正開舟飄然逸興齊君發極目滄江萬  
里流

送林允忠教番易

早歲才名子莫過卽看南國賦菁莪吏情祇覺  
談經好秋思還因送客多湛湛露華團野菊紛  
紛霜葉下庭柯不知彭蠡秋多少更上湖船望  
白波

送林遷于得告還山

祖席初分酒半醺相看無奈故人何生憎柳色  
臨岐路况聽春聲入棹歌舊國雲山何處是他  
年風雨憶君多祇緣簪組能相絆未得相從訪  
薜蘿

八日送范廣州

使君白馬紫金鞵萬里飛騰意自憐贈別可無  
瑤草賦明朝况復菊花天江南旅雁看俱盡嶺  
外孤雲去渺然莫惜賢勞當劇郡相期勲業及  
華年



贈郡守葛巵山

淮海風塵舊不驚  
自君為吏有餘清  
絃歌晝靜依樽俎  
牛犢春深散甲兵  
郭外帆檣天萬里  
湖西燈火夜深更  
孤琴獨鶴來何處  
猶似巵山草屋情

次韻贈送鄧文溪刺維摩

青瑣黃門記昔遊  
諫書常出殿西頭  
須知九死當年事  
豈分孤身萬里投  
瘴雨蠻煙仍壯節  
海雲江月重離憂  
最憐號泣攀轅意  
誰為中原赤

子謀

還山作次師山

菲材拙仕合投閒  
早有移文到北山  
九萬晴空孤鳥下  
虛無岩岫一雲還  
蒼松極意生秋色  
黃菊輸心識故顏  
寄語文峰舊仙客  
清時莫遣勝遊慳

發建州江行

水口芋原望不遙  
風波日夕旅魂銷  
春山龍氣常疑雨  
夜舸漁人慣識潮  
長路有懷驚歲序  
清



時無策效芻蕘欲知問俗停橈意不為東風戀物韶

尋多景廢址

江城多景望仍長多景樓臺祇自荒日暮雲霞乘海氣雨餘林樹散天香城開鐵甕圍青嶂江作湯池繞建康已望翠微臨菌閣莫教佳節負蒲觴

過分水關

無情如此水各傷故山流何事山中客年年作

遠遊

文峰留題

木落萬山秋月明千里夕幽意忽何如松風掃白石

特拜

漢文潛邸會風雲今日誰收第一勲夜半忽傳天上詔虎符新拜宋將軍  
贈送東谷次黃少村

八壺東望是天涯海畔山前何處家三畝舊荒



歷代詩選 卷之三 素 三 頁

揚子宅十年今見故園花  
前何處宋三編書

北征別母 六 黃少林

別後憑誰問起居  
北來音信又應疎  
自昔爲兒把書卷  
可曾讀得遠遊書





卷之四